

## TAHA BAPARE SÂCMUTÂC

Papia irec maṅnao Israe ṅic ṅokac juju â ee-bapa-jeṅic irec sâcmutâc, erâ Anutu mai eecne, â taha bapa â taha bâzi ririke gie irec sâcmutâc mufua-fârekicne. WAHA RARA papaio ira qoruc boze bapare sâcmutâc fokac, eme zi qoruc boze maṅnao weniṅuc erâ Anutu mai ecnepie sâckeocmu irec dâṅ â sâcmutâc qâreṅkekicne forakac hâcne. Eme Israe ṅic jaṅe sâcmutâc izi hâcne jowa qataṅ ejarehame Anutu araṅ bacnehuc mai ecne jumbieṅ.

Dâṅne dâṅne forakac irec qizecne kecziṅuc: ṅic sâqocne-nâṅec fokacte Anutu, Israere Tiri rune e mâc sâcne mai mi ecnezo. E mai ecnezo murâ taha bacnehuc mai ecnezo.

Taha bapare sâcmutâc fuṅne fuṅne forakac i Israe ṅic jaṅere biṅe. ṅifec ine sifu nâṅâc wâc ziṅuc manasu-nârekac: Soc tâmiricko sâqocne bâbâtâmire mi fokac. Irece Jesuzi sâqocne-nâṅec bâtâmireocte socticne hoṅkewec hâcne. Erâ sâcmutâc i ziṅuc nâzâkac wâc: Anutu araṅ bacnehuc daṅge mumuteṅ eecne â kiṅaṅ qaqaacne izi taha bâzi qaqaacne â fârine.

Gaṅne gaṅne dâṅ neṅocne forakac irec birine zi:

*Tah 1–7.* Taha bâzi fuṅne fuṅne â irec gie â sâcmutâc.

*Tah 8–10.* Taha bapa giere mumufiriec-jopa irec sâcmutâc.

*Tah 11–15.* ṅic ṅokac me qowi wiac i weniṅuc ehuc baqaqac-jopazo, irec mumutâc dâṅ.

*Tah 16.* Ira jara sâc mirinj bapa hombanj ñeje irec sâcmutâc.

*Tah 17–26.* Soczi taha gie bapa, erâ manjuru â tiri juju irec sâcmutâc dân.

*Tah 27.* Ira mumupanj dân mumu â taha tenkonec wâj rârâe irec sâcmutâc fokac.

Dâj mamana-nâñec moc *gañ 19:18* ira fokac, kecziñuc: “Ñoñe ñañacnere eñareekac sâc ijaha âgofâc-ñeñic jañere eñarezejec.” Jesuzi dân irec hâcne sâcmutâc dân qizecne namba 2 mukac. (*Mataio 22:39*)

### *Qowi bâzi ririkere dân*

<sup>1</sup> Wofunj e tutumanj qoruc bozeo juhuc Mose hefârerâ kecziñuc âzâcnewec: <sup>2</sup> “Go Israe ñic ñokac dân kecziñuc muhuc jazazemec: Ñoñeraonec ñic moczi Wofunj taha bacneoctemurâ ine bulimakao moc me lama me noniñ moc rorâ taha bacnezejec.

<sup>3</sup> “E qowi bâzi moc rikezo murâ ine bulimakao ñicne bianñe moc taha bazejec, ehuc Wofunzi maname bianñeocte tutumanj qoruc bozere motâcko taha bazejec. <sup>4</sup> E meticne taha bâzi qowire qizec faio râeme Wofunzi manacneme bianñeha kiñticne tarazejec. <sup>5</sup> Izi Wofunje maio bulimakao i hâcne qâhâmozejec, eme taha bapa, Aronj ñokâfâcne hâcne, jañe socticne rorâ alata qoruc bozere motâcfunjo ñekac i râreckehuc tienzeñiñ. <sup>6</sup> Ehame tahare qowi sahaçne âkehockerâ fârine hezuzejec. <sup>7</sup> Eme taha bapa, Aronj ñokâfâcne jañe zoc ruqenzepiñ. <sup>8</sup> Ehuc alata faio zoc zakac ira qowi dâkâne â qizecne erâ wokemañne râe-fârenzeñiñ. <sup>9</sup> Hone

â kikene ine opâo zure-fârezejec. Eme taha bapa e wiac i mêmâc sasawa alata faio qowi bâzi rike siŋsiŋkeme Wofunŋe maio âsu bian fuazejec.

<sup>10</sup> “Me qowi bâzire biŋe lama me noniŋ moc rikezo murâ ine ŋicne bianŋe moc taha bazejec. <sup>11</sup> Ehuc alata tambaraŋne faicpec ira

Wofunŋe maio qâhâmozejec, ehame taha bapa, Aroŋte ŋokâfâc hâcne, jaŋe socticne rorâ alata râreckehuc tienzepieŋ. <sup>12</sup> Eme ŋic eki hezume

taha bapa jaŋe dâkâne dâkâne â qizecne erâ wokemaŋne alata faio zoc zakacko ira râe guruc enzepieŋ. <sup>13</sup> Hone â kikene ine opâo zurezejec. Eme taha bapa eki wiac i sasawa alata faio qowi bâzi rike siŋsiŋkeme Wofunŋe maio âsu bian fuazejec.

<sup>14</sup> “Wofunŋ taha bacneocte qowi bâzire biŋe wipe râecnezo murâ ine hapâ â buni râecnezejec.

<sup>15</sup> Eme taha bapa e alatao bararâ upene zâkirinŋerâ alata faio rikezejec. Socticne ine alata ŋifecnao hoŋkeme razejec. <sup>16</sup> Erâ nârowaŋne â

suhucne i alata ŋifecne zoaŋ wewefunaopec zafe hohonŋke hae fokac ira beheme huzejec. <sup>17</sup> Â

fakecne ine mâc bazu banzaŋ eme fârinehec fozejec. Ehuc taha bapa e alata faio zoc zakacko ira qowi bâzi rike siŋsiŋkeme Wofunŋe maio âsu bian fuazejec.

## 2

### *Taha bâzire dâŋ*

<sup>1</sup> “Moc e Wofunŋ taha bacneocte taha bâzi râezo murâ ine poroŋ uucne râecnezejec, ehuc wokemaŋ fainao hoŋkehuc wiac âsu bian

zuhuckezejec. <sup>2</sup> Injuc erâ Aronj ñokâfâcne taha bapa jañerao barazejec. Eme jañeraonec moczi wiac irecnec poronj uucne â wokemañ me fufusuc jaha rorâ wiac âsu bianj sasawa ihec alata faio zocko rike siñsiñkeme Wofunje maio âsu bianj fuazejec. <sup>3</sup> Taha bâzire nâfocne izi ine Aronj â ñokâfâcne jañere biñe ezejec, i Wofunje taha bâzi rikepie wiac tirine jâmbâñ ewec irec nâfocne hâcne.

<sup>4</sup> “Ñoñe taha bâzi ofeñ mañnao rikekicne tahare biñe râezo murâ ine poronj uucne gorenj tâmiric wokemañ opânehec bâsifuckekicne me poronj gorenj tâmiric wokemañ opâ ruacnekicne i râenzepieñ. <sup>5</sup> Me taha bâzi ofeñ fainao rikekicne tahare biñe râezo murâ ine poronj uucne gorenj tâmiric wokemañ opânehec bâsifuckekicne râenzepieñ. <sup>6</sup> Ñoñe poronj bâfâuckepie piic piic eme wokemañ ruacnenzepieñ. Injuc epie taha bâzi eocmu hâcne. <sup>7</sup> Me taha bâzi-ñeñic zocrâqâcko rikekicne tahare biñe râezo murâ ine poronj uucne jaha wokemañ opânehec bâsifuckerâ rikenzepieñ. <sup>8</sup> Erâ taha bâzi wiac izi bakicne i Wofuntao baranzepieñ, ehuc taha bapa râcnepie alatao râezejec. <sup>9</sup> Erâ taha bapa e taha bâzi nâfocne rorâ alata faio zocko rike siñsiñkeme Wofunje maio âsu bianj fuazejec. <sup>10</sup> Taha bâzire tiwâne ine Aronj â ñokâfâcne jañere biñe ezejec, i Wofunje taha bâzi rikepie tirine jâmbâñ ewec irec nâfocne hâcne.

<sup>11</sup> “Ñoñe Wofunje biñe taha bâzi râezo murâ gorenj tâmiric banzepieñ. Ñoñe gorenj me bañac wiac Wofuñ taha bacnehuc zocko moc mi rikepie zazejec. <sup>12</sup> Wiac injucne i Wofunje

biņe râezo murâ nânâ nânâsu damenĵko taha râeenĵopieņ irec sâc râenzepieņ, âsu bianĵ fuaocete ine alata faio mi rikenzepieņ. <sup>13</sup> Nõņe taha bâzi wiac-ņeņic râezo murâ hâwec hefârenzepieņ. Anutuhec zâzâfic ekicne irec hâwec i behepie taha bâzi-ņeņic nocne mi ezejec. Aricne taha bâzi wiac-ņeņic sasawa i hâwec hefârehuc râenzepieņ.

<sup>14</sup> “Nõņe gie qârionec jacĵoņ taha bâzire biņe Wofuņ râcnezo murâ ine hazecne moc zocko rikekicne me qâricne banzaņnekicne râenzepieņ.

<sup>15</sup> Ehuc wokemaņ opâne hoņķepie ruacnezejec. Erâ wiac âsu bianĵhec zuhuckenzepieņ, iņuc epie taha bâzi eocmu hâcne. <sup>16</sup> Eme taha bapazi hândâņne banzaņnekicne â wokemaņ irec nâfocne, erâ wiac âsu bianĵhec sasawa i rorâ rikeme zazejec. Iņuc eme Wofuņte taha bâzi rikekicne eocmu.

### 3

#### *Wama bâzire dâņ*

<sup>1</sup> “Ñic moc e wama bâzi rikezo manasurâ bu-  
limakao ñicne me ñokacne moc roocete ecneme  
ine bianĵne moc rorâ Wofuņte maio râezejec.

<sup>2</sup> E meticnezi qowi qizecne bânduņkerâ tutu-  
maņ ĵoruc bozere motâcko qâhâmozejec, ehame  
Aroņ ñokâfâcne taha bapa jaņe socticne rorâ  
alata râreckehuc tienzepieņ. <sup>3</sup> Eme qowi taha

bâzire biņe bâmockekicne irec wokemaņ qârurune  
raruņkerâ Wofuņ bâzi rikecnezejec. <sup>4</sup> Ehuc  
râpe hândâņ jajahecko wokemaņzi bohotarâ  
fokac, erâ bugâpâcko qârurune fokac i mâmâc  
bârâriec-jopazejec. <sup>5</sup> Eme Aroņ ñokâfâcne jaņe

wiac i rorâ qowi bâzi zocko fokac irec fainao râerâ rikenzepien. Inuc rike sinşinkepie Wofunţe maio âsu bianţ fuazejec.

<sup>6</sup> “Me Wofunţ wama bâzi rikecnezo manasurâ lama noninţâcne janeraonec ņicne me ņokacne moc roocte ecneme ine bianţne moc rozejec. <sup>7</sup> E lama moc bâzi rikezo murâ Wofunţe maio rikezejec. <sup>8</sup> Ehuc meticnezi qowi qizecne bândunţerâ tutumanţ qoruc bozere motâcko qâhâmozejec; ehame Aroņ ņokâfâcne janş socticne rorâ alata râreckehuc tienţepien. <sup>9</sup> Eme qowi wama bâzire biņe bâmockekicne irec wokemanţ qârurune rarunţerâ Wofunţ bâzi rikecnezejec. Ehuc gecne wokemanţnehec funţnao hetâcnekicne â qârurune sasawa, <sup>10</sup> erâ râpe hândânţ jajahecko wokemanţzi bohotarâ fokac erâ bugâpâcko qârurune fokac i mâmâc bârâriec-jopazejec. <sup>11</sup> Eme taha bapazi wiac i rorâ alata faio Wofunţ tiwâ bâzi rikecnezejec.

<sup>12</sup> “Me taha bâzire biņe noninţ moc râeocmu ine Wofunţe maio rikezejec. <sup>13</sup> Ehuc meticnezi qowi qizecne bândunţerâ tutumanţ qoruc bozere motâcko qâhâmozejec; ehame Aroņ ņokâfâcne janş socticne rorâ alata râreckehuc tienţepien. <sup>14</sup> Eme qowi irec qârurune sasawa rarunţkeme taha bâzi-ticne eha Wofunţ rikecnezejec. <sup>15</sup> Ehuc râpe hândânţ jajahecko wokemanţzi bohotarâ fokac erâ bugâpâcko qârurune fokac i mâmâc bârâriec-jopazejec. <sup>16</sup> Eme taha bapazi wiac i rorâ alata faio Wofunţ tiwâ bâzi rikecneme âsu bianţ fuazejec. Wokemanţ sasawa i Wofunţe biņe hâcne. <sup>17</sup> ņoņe wokemanţ me soc mi

nâjâmbânkenzepien, dâņsanaj i mimiņzi qâric ira me ira jufeniņmu sâc bajunzepien.”

## 4

### *Sâqocne tâtâmire taha irec dâņ*

<sup>1</sup> Wofuņzi Mose dâņ kecziņuc âzâcnewec: <sup>2</sup> “Go Israe ñic ñokac dâņ ziņuc jazazemec: Wofuņzi wiac ebac ezore sâcmutâc râewec i ñic moczi mi mana tarahuc huckeocmuo, <sup>3</sup> me taha bapa wokemaņ ruacnekicne e sâqocne bâfuahuc ñic ñokac bâbiec-jopame kiņhec eniņmuo ine sâqocne bâfuawec irec erâ bulimakao ñicnezi motecne biane moc Wofuņte maio sâqocne tâtâmire taha moc bazejec. <sup>4</sup> Ehuc bulimakao i tutumaņ qoruc bozere motâcko Wofuņte maio bafisizejec, erâ meticnezi qizecne bânduņkehuc qâhâmozejec. <sup>5</sup> Erâ taha bapa wokemaņ ruacnekicne e bulimakao soc gâcne rorâ tutumaņ qoruc boze maņko bafezejec. <sup>6</sup> Ehuc memotec-ticne socko âke uruckerâ Wofuņte maio tirifict e ââketâc fuņnao tieme arecne <sup>7</sup> ezejec. <sup>7</sup> Erâ taha bapa e soc gâcne Wofuņte maio hosâc âsu ririkere alata, tutumaņ qoruc bozere maņko ñekac irec zuņene ruacnezejec. Soc tiwâne ine tutumaņ qoruc bozere motâcko qowi bâzi ririkere alata ñekac irec fuņnao hoņkezejec. <sup>8</sup> Erâ bulimakao sâqocne tâtâmire bibe qakicne irec wokemaņ â qârurune honao bohotarâ fokac i rarunkezejec. <sup>9</sup> Ehuc râpe hândâņ jajahecko wokemaņzi bohotarâ fokac, erâ bugâpâcko qârurune fokac i mâmâc bârâriezejec, <sup>10</sup> (wama bâzire bibe bulimakao taha bahuc wiac ecnekicne sâc ijaha ecnezo). Ehuc taha bapa

e wiac i taha bâzi ririkere alata faio rikezejec. <sup>11</sup> Bulimakao sahadne â biucne â qizecne â kikene erâ hone <sup>12</sup> i sasawa hae râpenao zafe hohonke mâren bianhao bararâ zocko rikenzepien.

<sup>13</sup> “Me Israe kikefun zengoma jaje Wofunzi wiac ebac ezore sâcmutâc râewec i mi mana tarahuc huckerâ tutumanjo hesonkehuc kinhec eninmu. <sup>14</sup> Eme sâqocne bâfuakicne i fua taninkeme kikefunzi bulimakao njicnezi motecne moc rorâ sâqocne tâtâmirere binje taha baninte tutuman qoruc bozeo bafisinzepien. <sup>15</sup> Ehamer sonan micne jaje Wofunte maio mejeniczi bulimakao qizecne bândukerâ qâhâmonzepien. <sup>16</sup> I tarame taha bapa wokeman ruacnekicne eki bulimakao soc gâcne rorâ tutuman qoruc bozeo bafezejec. <sup>17</sup> Erâ memotec-ticne socko âke uruckerâ Wofunte maio ââketâc funhao tieme arecne 7 ezejec. <sup>18</sup> Izi soc gâcne rorâ tutuman qoruc bozere manjo alata Wofunte maio njekac irec zunene ruacnezejec; soc tiwâne ine tutuman qoruc bozere motâcko qowi bâzi ririke alata njekac irec funhao honkezejec. <sup>19</sup> Ehuc wokeman-ticne sasawa alata faio rikezejec. <sup>20</sup> Sâqocne tâtâmirere binje mârâc bulimakao wiac ecnekicne sâc ijaha bulimakao zi ecnezejec. Taha bapa e injuc ehuc kiwirik-jenic rome sâqocne bâbâtâmire fua-jarezejec. <sup>21</sup> Eme bulimakao hae râpenao bahurâ mârâc moc rikewec injuc jaha rikezejec. I kikefunte sâqocne tâmireocte wiac injuc hâcne fuazejec.

<sup>22</sup> “Me njic fekcicne moc e Wofun Anutu-ticnezi wiac ebac ezore sâcmutâc râewec i mi mana tarahuc huckerâ kinj bâfuocmuo, <sup>23</sup> me sâqocne



bâfuawec i mutaniŋkecneniŋmuo ine taha baocete noniŋ ŋicne bianiŋe moc râezejec. <sup>24</sup> Ehuc meticnezi noniŋ qizecne bânduŋkerâ taha bâzire qowi qâhâmoŋgopieŋ ijaha Wofunŋte maio qâhâmozejec. E iŋuc eme sâqocne tâtâmire taha eocmu. <sup>25</sup> Eme taha bapa e sâqocne tâtâmire taha irec soc gâcne rorâ memotec-ticnezi qowi bâzi ririkere alata zuŋene ruacnezejec; soc tiwâne ine alata irec fuŋnao hoŋkezejec. <sup>26</sup> Wokemaŋne sasawa ine alata faio wama bâzire wokemaŋ rikewec irec sâc jaha rikezejec. Taha bapa e iŋuc ehuc ŋic sâqocne ere kiwiric rome sâqocne bâbâtâmire fuacneocmu.

<sup>27</sup> “Me ŋic ŋokac omane jaŋeraonec moc e Wofunŋzi wiac ebac ezore sâcmutâc râewec i mi mana tarahuc huckerâ kiŋ bâfuaocmuo, <sup>28</sup> me sâqocne bâfuawec i mutaniŋkecneniŋmuo ine taha baocete noniŋ ŋokacne bianiŋe moc râezejec. <sup>29</sup> Ehuc meticnezi noniŋ qizecne bânduŋkerâ noniŋ i taha bâzire qowi qaŋgopieŋ ira okacne qâhâmozejec. <sup>30</sup> Eme taha bapa e meticnezi soc gâcne rorâ qowi bâzi ririkere alata zuŋene ruacnezejec; soc tiwâne ine alata fuŋ nao hoŋkezejec. <sup>31</sup> Ehuc wama bâzire wokemaŋ bârârieŋgopieŋ irec sâc jaha wokemaŋ-ticne sasawa bârâriezejec. Erâ alata fâio rike siŋsiŋkeme Wofunŋte maio âsu bianŋ fuazejec. Taha bapazi iŋuc ehuc ŋic ere kiwiric rome sâqocne bâbâtâmire fuacnezejec.

<sup>32</sup> “Me ŋic ekizia sâqocne tâtâmire taha baocete lama moc râeocmuo ine ŋokacne bianiŋe moc râezejec. <sup>33</sup> Ehuc meticnezi lama qizecne bânduŋkerâ bâzire qowi qâhâmoŋgopieŋ ijaha

sâqocne tâtâmirere qowi qâhâmozejec. <sup>34</sup> Eme taha bapa e sâqocne tâtâmire irec soc gâcne rorâ memotec-ticnezi qowi bâzi ririkere alata zuņene ruacnezejec; soc tiwâne ine alata fuņnao hoņkezejec. <sup>35</sup> Wokemaņ-ticne sasawa i wama bâzire lama irec wokemaņ bârârieenġopieņ irec sâc jaha bârârierâ alatao Wofuņte taha bâzi gâcne zahuc fokac irec fainao râeme zazejec. Taha bapa e iņuc ehuc ņic sâqocne bâfuawec ere kiwiric rome sâqocne bâbâtâmire fuacnezejec.

## 5

*Bahac gâcne fuame sâqocne tâtâmire taha rârâe*

<sup>1</sup> “ņic moc e ņic âgo-ticnezi wiac repicne ebac eme hone manac erâ mi mufuaocmuo ine kiņ hotâckeocmu. <sup>2</sup> Me ņic moczi wiac wâwânâņne, qowi mimicne me hae qowi jaņere qâņqâņ me wiac babarâ juenġopieņ jaņere qâņqâņ moc mi mana tarahuc ba bâuac erâ wâwânâņhec ehuc kiņ bâfuaoocmu hâcne. <sup>3</sup> Me ņic moc e ņic âġofâc-ticne wiac repicne izi me izi bâpuriņ-jopaha qanaņ mi mana tarahuc he heuac ejareocmu mecne, zâhec ine mana tarahuc ziņuc muocmu: No kiņhec ekopac hâcne. <sup>4</sup> Me ņic moczi wiac biane me sâqocne ebac eocte mi mana tarahuc acmâc jaha mupaņkeocmu mecne, zâhec ine fuņne-ticne mana tararâ kiņhec ekopac muocmu. <sup>5</sup> ņic moc e wiac i me i ehuc kiņ bâfuaoocmuo ine sâqocne bâfuawec i mufuazejec. <sup>6</sup> Ehuc sâqocne bâfuawec irec kiņ tatarare bâzi Wofuņtao râezejec. Lama me noniņ ņokacne moc sâqocne tâtâmire taha

râezejec hâcne. Eme taha bapazi sâqocne-ticnere erâ kiwiric-ticne rozejec.

<sup>7</sup> “Me lama moc mi focnekacko ine sâqocne bâfuawec irec kiŋ tatara tahare biŋe hapâ jajahec me buni jajahec Wofuŋtao râec-jofazejec. Moc i sâqocne tâtâmire tahare biŋe ehame moc i qowi bâzire biŋe ezejec. <sup>8</sup> E wiac i taha baparao râezejec. Eme eki hapâ moc i sâqocne tâtâmire tahare biŋe râezejec, ehuc upene mâc zâkirinŋerâ mi hetâcnezejec. <sup>9</sup> Erâ soc gâcne rorâ alata tambaraŋnao tiehuc nâfocne ine alata fuŋnao hesiezejec. Inŋuc eme sâqocne tâtâmire taha eocmu hâcne. <sup>10</sup> I tarame hapâ moc mumutâc dânŋte sâcko qowi bâzire biŋe râezejec. Taha bapa e ŋic sâqocne bâfuawec ere kiwiric rome sâqocne bâbâtâmire fuacnezejec.

<sup>11</sup> “Me ŋic hapâ jajahec me buni jajahec moc mi jucnepie ine sâqocne bâfuawec irec sâqocne tâtâmire tahare biŋe poroŋ uucne amae 10-konec wâŋ râezejec. Sâqocne tâtâmire taha ekacte wokemaŋ opâne me wiac âsu bianŋhec moc mi zuhuckezejec. <sup>12</sup> E wiac i taha baparao bafisime eki hosâc âsure biŋe me fufusuc jaha rorâ alatao bâzi gâcne Wofuŋte biŋe zahuc fokac irec fainao rikezejec i sâqocne tâtâmire taha ekac hâcne. <sup>13</sup> Taha bapa eki ŋic e wiac i me i ehuc sâqocne bâfuawec ere kiwiric rome sâqocne tâtâmire fuacnezejec. Ehame taha bâzire ekicne sâc ijaha ehapie poroŋ tiwânezi taha bapare biŋe ezejec.”

### *Kiŋ tatara taha irec dân*

<sup>14</sup> Wofuŋzi Mose dân ziuŋuc âzâcnewec: <sup>15</sup> “Ŋic moczi mi mana tarahuc wiac moc Wofuŋte biŋe

bâtirikicne i sâctiri râeocmu ine kiŋ tatarâ tahare biŋe lamafâc-ticne jaŋeraonec ŋicne biaŋne moc Wofuŋtao râezejec. Furi-ticne ine tiri ficte siliwa moneŋ fokac irec sâcko muzemec, wiac i kiŋ tatarare taha hâcne. <sup>16</sup> Wiac bâtirikicne sâckoa mi râewec irec okacne bârisiezejec, erâ i sawa mâcne, wiac fiuc rowec irec 5-konec wâŋ zuhuckerâ taha bapa râcnezejec. Eme taha bapa e lama ŋicne kiŋ tatarâ tahare biŋe râehuc kiwiric jâoc rome sâqocne bâbâtâmire fuacnezejec.

<sup>17</sup> “Wofuŋzi wiac ebac ezore sâcmutâc râewec i ŋic moczi mi mana tarahuc huckerâ sâqocne bâfuaocmuo ine sifu kiŋ hotâckeocmu. <sup>18</sup> Irec ŋic e goki mutâcneccmu irec sâc lamafâc-ticne jaŋeraonec ŋicne biaŋne moc kiŋ tatarâ tahare biŋe taha baparao bafisizejec. Eme taha bapa eki, ŋic mi mana tarahuc bahac bâfuawec ere kiwiric jâoc rome sâqocne bâbâtâmire fuacnezejec. <sup>19</sup> Ŋic e Wofuŋte maio kiŋ bâfuawecte taha izi kiŋ tatarâ taha ekac hâcne.”

## 6

<sup>1</sup> Wofuŋzi Mose dâŋ kecziŋuc âzâcnewec: <sup>2</sup> “Ŋic moc e ŋic âgo-ticnere wiac hone soŋaŋ eocte râcnekicne i mickecnehuc bajuocmu me wiac moc fiuc roocmu, me ŋic âgo-ticne bâzâickehuc wiac jâoc roocmu e Wofuŋ râpeckerâ kiŋ bâfuaocmu. <sup>3</sup> Me wiac sifuckekicne i bâfuarâ mumupaŋ dâŋ burecne muhuc mickeocmu ine kiŋ jaha bâfuaocmu. <sup>4</sup> Ine ŋiczi wiac i me i ebac ehuc sâqocne bâfuaengopieŋ i ehuc kiŋ hotâckeocmu jaha. Irec wiac fiuc roocmu me ŋic jopa sipiric ehuc roocmu me wiac hone soŋaŋ eocte râcnepie

bâsifuckeocmu me wiac sifuckekicne bâfuaocmu,  
<sup>5</sup> me wiac irec me irec mumupaŋ dâŋ burecne  
muhuc sakareocmu i furu jaha bârisie-fârezejec.  
Erâ i sawa mâcne, e wiac i sasawa irec 5-konec  
wâŋ zuhuckerâ kiŋ tatara taha râeocmu dameŋ  
ira rune râcne-fârezejec. <sup>6</sup> Erâ goki mucmu irec  
sâc lamafâc-ticne jaŋeraonec ŋicne biaŋne moc  
Wofuŋte biŋe qahuc kiŋ tatara tahare biŋe taha  
baparao bafisizejec. <sup>7</sup> Eme taha bapa e Wofuŋte  
maio kiwiric jâoc rome ŋic e wiac i me i ebac ehuc  
kiŋ bâfuawec irec bâbâtâmire fuacnezejec.”

*Taha bâzi ririkere sâcmutâc dâŋ gâcne*

<sup>8</sup> Wofuŋzi Mose dâŋ kecziŋuc âzâcnewec: <sup>9</sup> “Go  
Aroŋ â ŋokâfâcne ziŋuc mutâcne-jarezemec:  
Qowi bâzi ririkere sâcmutâc kecziŋuc fokac:  
Qowi bâzi i alata faio zafeo jaha zahuc foha hae  
furezejec, ehame alatao zoc zakac i bâruŋkehuc  
fozejec. <sup>10</sup> Eme taha bapa e gie ŋaqi â ho-  
hose-ticne heme hume qowi bâzi alatao zakume  
zafe fuawec i rorâ alata heririŋnao hesiezejec.  
<sup>11</sup> Iŋuc erâ gie ŋaqi wiac-ticne mocwâc heunuck-  
erâ ŋaqi omane herâ zafe wiac hae râpenao  
zafe hohonke mâreŋ biaŋne fokac ira barazejec.  
<sup>12</sup> Alata faio zoc i mi hâhâpo zahuc jaha fozejec,  
ehame taha bapa e furic sâc zoc tucne râerâ  
fainao qowi bâzi gandankehuc ine wama bâzire  
wokemaŋ rikezejec. <sup>13</sup> Ehame alata faio zoc i mi  
hâhâpo zahuc jaha fozejec.

<sup>14</sup> “Taha bâzi ririkere sâcmutâc kecziŋuc fokac:  
Aroŋ ŋokâfâcne jaŋe Wofuŋte maio alata fuŋko  
taha bâzi râenzepieŋ. <sup>15</sup> Ehame moczi taha bâzire  
poroŋ uucne wokemaŋnehec me fufusuc moc, â

wiac âsu bianheç fainao râekicne i sasawa rorâ alata faio rike siñsiñkeme Wofunçe maio âsu bian fuazejec. <sup>16</sup> Tiwâne ine Aroñ â ñokâfâcne jañe nânzepieñ, jañe wiac i goreñ tâmiric tutumañ qoruc bozere tiri hae zoñao nânzepieñ hâcne. <sup>17</sup> Tiwâ bâzi i goreñ tâmiric mâc rikenzepieñ. Nore biñe tiwâ bâzi rikekicne irec dâkâne moc qikiñne-jarepo hâcne, i sâqocne tâtâmire â kiñ tatarare taha irec sâc taha tiri jâmbân ekac. <sup>18</sup> Aroñ qâricfâcne jañe sasawa Wofunçe tiwâ bâzire dâkâne sâcne nâniñmu irec sâcmutâc i mimiñzi qâric foñare rahuc juzejec. Ehame ñic izi me izi wiac i ba bâuac ejarerâ tirine eocmu.”

<sup>19</sup> Wofunçi Mose ziñuc âzâcnewec: <sup>20</sup> “Aroñ ñokâfâcne jañeraonec moc wokemañ ruacneniñmu dameñ ira Aroñ â ñokâfâcne jañe taha bâzi kecziñuc râenzepieñ: Poron uucne amae 10-konec wân iñuc râenzepieñ, ehuc gâcne furictere â gâcne ñafere biñe râenzepieñ. <sup>21</sup> Jañe wokemañhec bâsifuckerâ zocrâqâcko rikenzepieñ; eme rike hâmokicne i bazutec dâkâ piic piic eme taha bâzi iñucne bafisirâ rike siñsiñketec Wofunçe maio âsu bian fuazejec. <sup>22</sup> Ehame Aroñ ñokâfâcne jañeraonec moc mamac-ticne âkehockeocce wokemañ ruacnekicne e wâc iñuc jaha taha bâzi Wofunçe biñe râehuc juzejec. <sup>3</sup> Wofunçe mumupañ fofo sanañ. Taha i ine furu jaha rikenzepieñ. <sup>23</sup> Taha bapazi taha bâzi rikeocmu i moc mi nâhuc furu jaha râepie zafârezejec.”

<sup>24</sup> Wofunçi Mose ziñuc âzâcnewec: <sup>25</sup> “Go Aroñ â ñokâfâcne kecziñuc jazazemec: Sâqocne

tâtâmirere sâcmutâc i kecziñuc: Qowi bâzi qâhâmoengopien hae ijaha sâqocne tâtâmirere qowi Wofun̄te maio qâhâmonzepien, i wiac tirine jâmbân. <sup>26</sup> Taha bapa sâqocne tâtâmirere bâzi rikeocmu eki nâzejec; ine tutuman̄ qoruc bozere tiri hae zoñao nâzejec. <sup>27</sup> N̄ic omane moczi ba bâuac eocmu e ine okacne fuacneocmu, me socticnezi ñaqi moc ruacneme ñaqi i tirific mañko zurenzepien. <sup>28</sup> Â qowi biucne zaekac hapec i qanzañnenzepien, me aen̄ kuzio zaocmuo ine kuzi i zure bâkeren̄ enzepien. <sup>29</sup> Taha bapa ñic jaje sâqocne tâtâmirere taha irecnec nâzo murâ sâcne nân̄iñmu, taha i wiac tirine jâmbân hâcne. <sup>30</sup> Mâc sâqocne tâtâmirere qowi mocte soc tutuman̄ qoruc bozere mañko kiwiric rorore manasuhuc tirificko bafembiñko ine qowi i moc mi nân̄zepien, aricne, i zocko râepie zafârezejec.

## 7

### *Kiñ tatara taha â taha bâzi irec sâcmutâc*

<sup>1</sup> “Kiñ tatara taha bâzi i tirine jâmbân, irec sâcmutâc ine kecziñuc: <sup>2</sup> Qowi bâzi qâhâmoengopien hae ijaha kiñ tatara taha bâzi irec qowi qâhâmonzepien wâc, ehuc socticne taha bâzire alata râreckehuc tienzepien. <sup>3</sup> Wokeman̄-ticne sasawa, gecticne wokeman̄nehec â qârurune honao bohatakac i mâmâc tahare biñe qafârenzepien. <sup>4</sup> Ehuc râpe hândân̄ jajahecko wokeman̄zi bohotarâ fokac erâ bugâpâcnao qârurune fokac i râpe hândân̄hec mâmâc bârâriezo. <sup>5</sup> Taha bapa eki hâcne wiac i Wofun̄te biñe qahuc alata faio

rikezejec; wiac i kiŋ tatarare taha hâcne. <sup>6</sup> Taha bapa ŋic jaŋe irecnec wiac gâcne nâzo murâ sâcne nâninŋmu, wiac i tirine jâmbân ekacte nâzo murâ tirific maŋko nânzepieŋ. <sup>7</sup> Kiŋ tatara i sâqocne tâtâmire tahare sâc jaha, irec jahe sâcmutâc-jekic mocjaha. Wiac i taha bapa kiŋ tatara taha râehuc kiwiric roocmu ere biŋe ezejec. <sup>8</sup> Me taha bapa moc e ŋic i me i ere qowi bâzi rikeocmu e qowi bâzi rikewec irec sahadne rozejec. <sup>9</sup> Me taha bâzi ofeŋmaŋko me zocrâqâcko me ofeŋ fainao rikekicne i taha bapazi taha râeocmu ere biŋe ezejec. <sup>10</sup> Â taha bâzi wokemaŋhec bâsifuckekicne me kereŋne i sasawa Aroŋ ŋokâfâcne jaŋere biŋe eme sâckoa bôtac banzepieŋ.

*Wama bâzi gâcne gâcne irec sâcmutâc*

<sup>11</sup> “Wama bâzi gâcne gâcne Wofuŋte biŋe qahuc rikeniŋmu irec sâcmutâc i kecziŋuc:  
<sup>12</sup> Ŋic moc e wama bâzi danŋe tahare biŋe râezo murâ ine nânâ poroŋ goreŋ tâmiric wokemaŋhec bâsifuckekicne â poroŋ wokemaŋ ruacnekicne erâ poroŋ uucne wokemaŋhec bâsifucke-hâmokicne i mâmâc râezejec. <sup>13</sup> Wama bâzi-ticne danŋe tahare biŋe râehuc nânâ poroŋ goreŋnehec mâmâc râezejec. <sup>14</sup> Erâ e taha râeocmu sâc poroŋ irec dâkâne moc rorâ Wofuŋte biŋe qazejec; izi zâhec ine taha bapazi wama bâzire soc tieekac ere biŋe ezejec. <sup>15</sup> Danŋe tahare biŋe wama bâzi qowi irec biucne rikeniŋmu zoaŋ ijaha nâfârenzepieŋ, tiwâne moc behemie foha hae mi furezejec. <sup>16</sup> Me ŋic moczi mumupaŋ muwecte erâ taha râeocmu me buafec-ticnere râeocmuo ine râeocmu zoaŋ ijaha nânzepieŋ,



tiwâne foocmuo ine hae fureme nâfârenzepien.  
 17 Me qowi tucne tofane moc foocmuo ine zoaņ namba 3 ira zocko râepie zafârezejec. 18 Me wama bâzi qowi irec biucne gâcne zoaņ namba 3 ira moc nâniņmuo ine Wofuņzi ņic taha râewec e jahacne â taha-ticnere maname mi biankeocmu. Taha iņucnere manapie wiac mamakâcne ezejec, ehame moc e nâ bac eocmuzi kiņ nâfuaoocmu.

19 “Qowi biucnezi wiac mamakâcne he heuac eocmu ine mi nânzepien, i zocko râepie zazejec. ņic qaqačne juņgopienzi qowi gâcne nâzo murâ nânzepien. 20 Mâc ņic moc e wâwânâņhec juhuc wama bâzi Wofuņte biņe mukicne irec qowi nâocmu e mi juzejec. 21 Me ņic moczi ņic me qowi wâwânâņhec me wiac wâwânâņne ba bâuac erâ wama bâzi Wofuņte biņe mukicne irec qowi nâocmu e wâc mi juzejec.”

22 Wofuņzi Mose ziņuc âzâcnewec: 23 “Go Israe ņic ziņuc jazac: ņoņe bulimakao me lama me noniņ irec wokemaņ moc mi nânzepien. 24 Qowi e jahac hâmoekac me qowi mimicne gâcne jaņe kisuc qâsuckeenņopien irec wokemaņ i wiac irec me irec rozo murâ ronzepien, nânâ ine moc mi nânzepien. 25 Me ņic moc e Wofuņte biņe bâzi rikeniņmu irec wokemaņ nâocmu e mi juzejec. 26 Erâ i sawa mâcne, ņoņe ira me ira juhuc qâqâc me qowi soc moc mi nânzepien. 27 Moc e soc i nâocmu e mi juzejec.”

28 Wofuņzi Mose ziņuc âzâcnewec: 29 “Go Israe ņic ziņuc jazac: Moc e wama bâzi-ticne Wofuņtao râeocmu e irec tofane Wofuņte biņe qazejec. 30 Ehuc Wofuņte biņe alatao rikeeņgopien i e

jahac bafisizejec. Wokemaŋ â qowi amec siecne hâcne bafisizejec, eme amec siecne i Wofuŋte maio fenzonkehuc taha râenzepieŋ. <sup>31</sup> Ehame taha bapa e wokemaŋ alatao râeme zaha amec siecnezi Aroŋ â ŋokâfâcne jaŋere biŋe ezejec. <sup>32</sup> Wama bâzire ŋefacne fâreopec i ine taha bapa râcne tahac enzepieŋ. <sup>33</sup> Ŋefacne fâreopec i Aroŋ ŋokâfâcne jaŋeraonec moczi soc tiehuc wokemaŋ rikeocmu ere biŋe ezejec. <sup>34</sup> No Israe ŋic wama bâzi-jeŋic irecnec amec siecne â ŋefacne nore biŋe rorâ taha bapa Aroŋ â ŋokâfâcne jarepo. I Israe ŋic jaŋe honerâ iŋuc erahuc juniŋte epo hâcne. <sup>35</sup> Wofuŋ bâzi rikecneniŋmu irecnec wiac izi hâcne Aroŋ â ŋokâfâcne jaŋere biŋe ezejec. Iŋuc fuaocte Wofuŋzi taha bapafâc-ticne erâ juhuc kiŋaŋ qacneniŋte rowosâec-jopawec damaŋ ira hâcne mupaŋkekicne. <sup>36</sup> Israe ŋic jaŋe wiac iŋuc hâcne jare tahac eniŋte Wofuŋzi taha bapa wokemaŋ rua-jarembiŋ damaŋ ira mupaŋke-jarewec. Jaŋe mimiŋzi qâric iŋuc erahuc junzepieŋ.”

<sup>37</sup> Qowi bâzi ririke â taha bâzi sâqocne tâtâmire â kiŋ tatara taha â mumufirie taha erâ wama bâzi irec sâcmutâc iŋuc hâcne fokac. <sup>38</sup> Israe ŋic jaŋe Sinai mâreŋ sawao Wofuŋ bâzi rikecneniŋte mutâcne-jarewec damaŋ ira hâcne sâcmutâc i sasawa Sinai tikio Mose âzâcne mutâc efârewec.

## 8

*Aroŋ â ŋokâfâcne giere mufiriec-jopakicne  
(Wah 29:1–37)*

<sup>1</sup> Wofunzi Mose zîñuc âzâcnewec: <sup>2</sup> “Aron â ñokâfâcne rocjopazemec, erâ ñaqi qoruc, woke-manj opâ, sâqocne tâtâmire tahare bulimakao, lama ñicne jajahec erâ poronj gorenj tâmiric kâdohec i mâmâc rofârezemec. <sup>3</sup> Rofârerâ kikefunj zengoma tutumanj qoruc bozere motâcko hetumanj-jopazemec.” <sup>4</sup> Eme Mose e Wofunzi âzâcne mutâc ewec irec sâc efârewec, ehame kikefunj jañe tutumanj qoruc bozere motâcko tutumanjñembiñ.

<sup>5</sup> Ehame Mose e kikefunj zîñuc jazawec: “Wofunzi wiac kecziñuc enañte mutâcne-nârewec.”

<sup>6</sup> Mose e iñuc jazarâ Aron â ñokâfâcne ejareme warepie opâ rua-jarewec. <sup>7</sup> Rua-jareme tarame Aron ñaqi mañne hecneme hume umbikazi basanañkecnewec. Izi ñaqi sahaçne â qoqonañ ñaqi hecneme hume qoqonañ ñaqire masecne mizekicne izi hafecnewec. <sup>8</sup> Iñuc erâ qâ amecnao qonañkecnerâ amecnao dânj mumutarare ma jajahec Urim â Tumim i hâcne râecnewec. <sup>9</sup> Erâ Wofunzi Mose mutâcneçnewec irec sâcko qizecnao du kakambuc moc hecneme huwec â masapu golzi bakicne, eri hendiñ tirine hâcne, i ira bohotacneme mamai fowec.

<sup>10</sup> Eme Mose e ruruw wokemañ opâ rorâ tiri boze â mañnao wiac fofârewec i ruacnehuc bâtiriwec. <sup>11</sup> Erâ wokemañ gâcne alatao tieme arec 7 ewec. Ehuc alata â giere wiac-ticne sasawa erâ opâ pake sâko ñeñenehec i bâtirieocce wokemañ ruacnewec wâc. <sup>12</sup> Wokemañ gâcne ine Aron mufirieocce qizecnao honkehuc ruacnewec. <sup>13</sup> Mose e iñuc erâ Wofunzi mutâcneçnewec irec sâc ehuc Aron ñokâfâcne ejareme warepie

ņaqi hejareme hume umbika joma-jarerâ du hejareme huwec.

<sup>14</sup> I taramे sâqocne tâtâmire tahare bulimakao ñicne mume bafisipie Aronj â ñokâfâcne jaņe mejeņiczi qizecne basanaņkembij. <sup>15</sup> Iņuc ehuc bânduņkepie Mosezi qâhâmowec. Ehuc socticne rorâ meticnezi alata zuņene râreckehuc ruacnewec, iņuc ehuc zure qaqackewec. Soc gâcne ine alata fuņnao hoņkewec. E alatare due baocte iņuc ehuc bâtiriwec. <sup>16</sup> Iņuc erâ Mose e wokemaņ qârurune â bugâpâcnao qârurune fokac erâ râpe hândâņ jahecnao wokemaņzi bohotara fokac i rorâ alatao râeme zawec. <sup>17</sup> Bulimakao fârine â saħacne â biucne erâ hone i ine Wofuņzi Mose mutâcnecnewec irec sâcko hae râpenao zocko râeme zafârewec.

<sup>18</sup> Eme Mosezi mume qowi bâzi ririkere lama ñicne bafisipie Aronj â ñokâfâcne jaņe qizecne bânduņkembij. <sup>19</sup> Ehame Mose e qâhâmorâ socticne alata râreckehuc tie rawec. <sup>20</sup> Izi lama ñicne hezupie taramे Mosezi qizecne â dâkâne dâkâne erâ wokemaņne râeme zawec. <sup>21</sup> Erâ hobune â kikene opâzi zureme taramे wiac i sasawa iņuc jaha alatao rome ferâ zawec. I Wofuņzi Mose mutâcnecnewec irec sâcko hâcne qowi bâzi râeme zahuc Wofuņte maio âsu bianj fuawec.

### *Mumufirie taha bâzi rikekicne*

<sup>22</sup> Eme Mose e lama ñicne moc, mumufiriere lama hâcne, i mume bafisipie Aronj â ñokâfâcne jaņe mejeņiczi qizecne bânduņkembij. <sup>23</sup> Ehame Mosezi qâhâmorâ soc gâcne rorâ Aronj hazecqoņ-ticne fâreopec â meneņgoc-ticne

fâreopec erâ kike nenȝoc-ticne fâreopec jaha ruacnewec. <sup>24</sup> I tarame Aroņ ȝokâfâcne jowac-jopa warepie Mosezi hazecqoņ-jeņic fâreopec â menenȝoc-jeņic fâreopec â kike nenȝoc-jeņic fâreopec jaha i soc rua-jarewec; soc gâcne ine alata râreckehuc tie rawec. <sup>25</sup> Inȝuc erâ wiac kecziņuc rofârewec: Wokemaņ â gecne wokemaņhec â honao wokemaņ bohotarâ fowec â bugâpâcnao qârurune fowec â râpe hândâņ jajahec â ira wokemaņzi bohotara fowec erâ ȝefacne fâreopec. <sup>26</sup> Erâ Wofuņte maio nânâ poroņ kâdoc ȝewec irecne poroņ goreņ tâmiric moc â poroņ wokemaņhec rikekicne moc erâ poroņ rike dapirekicne i mâmâc rorâ wokemaņ â ȝefacne fâreopec irec faio râwec. <sup>27</sup> Ehuc wiac i sasawa Aroņ â ȝokâfâcne jaņere meo râerâ ejareme Wofuņte maio fenzoņkeminj. <sup>28</sup> Eme Mose e mocwâc mejeņickonec rorâ alata faio qowi bâzihec mâmâc mumufirie taha eha rike siņsiņkeme Wofuņte maio âsu bianj fuawec. <sup>29</sup> Ehame Mose e amec siecne rorâ Wofuņte maio fenzoņkewec wâc. Wofuņzi Mose mutâcnecnewec irec sâc mumufiriere amec siecne i Mosere biņewec hâcne.

<sup>30</sup> Eme Mose e rurua wokemaņ gâcne â alatao soc fowec irecne wâc gâcne rorâ Aroņ jahacne â ȝaqi-ticne erâ wâc ȝokâfâcne erâ ȝaqi-jeņic rua-jarewec. Inȝuc ehuc Aroņ e jahacne â ȝokâfâcne mâmâc ȝaqi-jeņichec bâtiric-jopawec.

<sup>31</sup> Erâ Mose e Aroņ â ȝokâfâcne ziņuc jazawec: “ȝoņe tutumaņ qoruc bozere motâcko qowi biuc rikerâ poroņ mumufirie kâdocko fokac

ihec mâmâc nânzepien. No irec hâcne zînjuc mutâcne-ñarepo: ‘Aronj go â ñokâfâcge ñoñe nânzepien.’ <sup>32</sup> Erâ qowi â poronj irec tiwâne fome zocko rikenzepien. <sup>33</sup> Ñoñe zoanj gie bapa 7 tutumanj qoruc boze moc mi bebehe ijaha ñehuc juhapie mumufirie damen-ñenjc tarazejec; nâñe mufiriec-ñopahuc juhapene zoanj 7 taraocmu hâcne. <sup>34</sup> Miñecgac wiac ekicne i kiwiric-ñenjc rozore Wofunje micte ekicne. <sup>35</sup> Ñoñe hâmonzipinje Wofunzi mutâcnewec irec sâcko wiac ebac ehuc tutumanj qoruc bozere motâcko ñafe zoanj ñehuc juhapie zoanj 7 tarazejec; dânj injuc hâcne ñazapemurâ mutâcne-narekicne.” <sup>36</sup> Eme Aronj â ñokâfâcne jaje Wofunzi Mose dânj mutâcnecnewec i jazame renje-fârembinj.

## 9

### *Aronji funjerâ bâzi rikewec*

<sup>1</sup> Zoanj gie bapa namba 8 maickeme Mosezi Aronj â ñokâfâcne erâ Israe sonanj micne hetumanj-jopa-fârewec. <sup>2</sup> Ehuc Aronj zînjuc âzâcnewec: “Go bulimakao motecnezi ñicne biane moc sâqocne tâtâmire tahare binje, erâ lama ñicne biane moc qowi bâzire binje rocjofarâ Wofunje maio bâzi rikec-jofazemec. <sup>3</sup> Ehuc Israe ñic zînjuc jazazemec: ‘Ñoñe noninj ñicne moc sâqocne tâtâmire tahare binje rorâ bulimakao motecne â lama biane jara-jekic wâñ ekicne i qowi bâzire binje rocjofanzepien. <sup>4</sup> Wofunje maio wama bâzi rikeninje bulimakao ñicne moc â lama

ņicne moc rocjofanzepieņ, erâ taha bâzi i woke-  
maņhec bâsifuckenzepieņ; Wofuņ e miņecgac  
maic-ņopaocmu hâcne.’” <sup>5</sup> Eme Mosezi wiac  
mutâcne-jarewec irec sâc tutumaņ qoruc bozeo  
bafisipie kikefuņ sasawa jaņe Wofuņte maio tu-  
maņne-fârembiņ. <sup>6</sup> Ehame Mosezi ziņuc jazawec:  
“Wofuņ e huriri qâreņ-ticnezi fua-ņareocmurâ  
iņuc hâcne eniņte mutâcne-ņarewec.” <sup>7</sup> Mose  
e iņuc murâ Aroņ ziņuc âzâcnewec: “Go alata  
maickehuc sâqocne tâtâmire taha â qowi bâzige  
rikehuc gahacne â wiacfâcge ņaņacne kiwiric  
rozemec. Izi ine Wofuņzi mutâcnewec irec sâcko  
ņic ņokac jaņere taha bahuc kiwiric-jeņic wâc  
rozemec.”

<sup>8</sup> Eme Aroņ e alata maickehuc e jahacne  
biņe sâqocne tâtâmire tahare bulimakao motecne  
moc qâhâmowec. <sup>9</sup> Ehame ņokâfâcne jaņe soc  
râcnepie memotec-ticne ira âke uruckerâ alata  
zuņene ruacnewec, soc tiwâne ine alata fuņnao  
hoņkewec. <sup>10</sup> Sâqocne tâtâmire tahare wokemaņ  
â râpe hândâņ erâ bugâpâcte qârurune i ine Mose  
mutâcne-cnewec irec sâcko alatao râeme zawec.  
<sup>11</sup> Biucne â sahacne ine hae râpeo zocko rikewec.

<sup>12</sup> Aroņ e iņuc erâ qowi tahare biņe qâhâmowec;  
ehame ņokâfâcne jaņe soc râcnepie alata  
râreckehuc tie rawec. <sup>13</sup> Eme jaņe qowi bâzi i  
dâkâne dâkâne erâ qizecne wâc râcnepie alata  
faio râeme zawec. <sup>14</sup> Ehame hobune â kikene  
opâzi zurerâ qowi bâzihec mâmâc alata faio  
râeme zawec.

<sup>15</sup> Zafâreme ņic ņokac jaņere taha ziņuc râewec:  
E qanaņ e jahacne biņe sâqocne tâtâmire taha

râewec irec sâc jaha ehuc noniŋ ŋicne rorâ ŋic ŋokac jaŋere biŋe sâqocne tâtâmire taha rikewec. <sup>16</sup> Erâ mumutâc-ticne fowec irec sâcko qowi bâzi rikewec wâc. <sup>17</sup> Erâ taha bâzi mâmâc râewec, ehuc me fufusuc jaha alata faio furictere qowi rikewec ijaha zuhuckerâ râeme zawec.

<sup>18</sup> Eme Aron e bulimakao â lama ŋicne ŋic ŋokac jaŋere biŋe wama bâzire qâhâmowec, ehame ŋokâfâcne jaŋe soc râcnepie alata râreckehuc tiewec. <sup>19</sup> Bulimakao â lama jahere wokemaŋ me gecne wokemaŋhec â qârurune honao mecne, râpe hândânko mecne, erâ bugâpâcnao mâmâc bohotarâ fokac <sup>20</sup> i hâcne amec siec-jekicko ropie feme alatao râeme zawec. <sup>21</sup> Amec siecne â ŋefacne fâreopec i ine Mosezi mutâcnecnewec irec sâcko Wofuŋte maio fenzoŋkehuc taha râewec.

<sup>22</sup> Aron e iŋuc erâ mejahec-ticne ŋic ŋokac jaŋeraopec bâfeŋnehuc jambuŋ-jopawec. Iŋuc erâ sâqocne tâtâmire taha â qowi bâzi erâ wama bâzi rike-fârerâ wahawec. <sup>23</sup> Eme Mose â Aron jahe tutumaŋ qoruc bozeo razipic. Izi risie we-furâ ŋic ŋokac jambuŋ-jopapire Wofuŋte huriri qârenzi ŋic ŋokac sasawa jaŋerao fua taniŋkewec. <sup>24</sup> Ehame Wofuŋtaonec zoc bâruŋzi fuarâ qowi bâzi â wokemaŋ alata faio fowec i zâsenkewec. Eme ŋic ŋokac jaŋe wiac i honerâ zeri ehuc fodape-fârembiŋ.

## 10

*Nadaba â Abihu jahe bahac bâfuapic*



<sup>1</sup> Aroņ ȳokâ jahec-ticne Nadaba â Abihu jahe hosâc âsu ririkere zocrâqâc rorâ zoc zakicne â hosâc âsure wâcwiac râepic. Erâ Wofuņzi mi mutâcne-jacteha ere maio zoc furune rikepire gâpârewec. <sup>2</sup> Inȳuc epire Wofuņte zocbâruņzi fuarâ mai-ticnao zâhâmoc-jofawec. <sup>3</sup> Inȳuc fuame Mosezi Aroņ zinuȳuc âzâcnewec: “Wofuņzi dâņ zinuȳuc muwec irec fârine fuakac hâcne: ‘Norao qohotahuc juengopieņ jaņerao tiri juju-nanere fuņne bataniņkepe ȳic ȳokac jaņerao huriri qâreņ-nane fua taniņkezejec.’ ” Inȳuc mume Aroņ e mâc fâsâerâ domawec.

<sup>4</sup> Eme Mose e Aroņ wawa-ticne Uziele ȳokâ jahecne Misae â Elizafaņ jahe wira-jacterâ zinuȳuc jasawec: “ȳohe âgo jahec-ȳekic jahere qâņqâņ tiri bozeonec hae râpeo renjofa hunic.” <sup>5</sup> Inȳuc mume jahe rarâ qâņqâņ jahe ȳaqi-jekiczi fonjofarâ Mosezi mutâcne-jactewec irec sâcko hae râpenao renjofa hupic. <sup>6</sup> Eme Mose e Aroņ â ȳokâ jahec-ticne Eleaza â Itama jaņe zinuȳuc jazawec: “ȳoņe hâmonzipiņte â Wofuņzi kikefuņ aaric mana-jarezacte qizec susuc-ȳeņic behepie mi zorazejec â ȳaqi-ȳeņic wâc mi bâsuckenzepieņ. Qomâfâc-ȳeņic Israe kikefuņ hâcne jaņe ine Wofuņzi manaha zoc fuarâ ȳic jahe zâseņ-jofawec irec ki soņgâņ ezo murâ enzepieņ. <sup>7</sup> ȳoņe Wofuņzi wokemaņ rua-ȳarewecte, me hâmonzipiņte tutumaņ qoruc bozere motâc beherâ mi hunzepieņ.” Eme Mosere dâņ reņkehuc inȳuc embiņ.

*Taha bapa jaņere sâcmutâc gâcne*

8 Eme Wofuņ e Aron dâņ kecziņuc muhuc âzâcnewec: 9 “Go mecne, ņokâfâcge mecne, ņoņe hâmonzipiņte tutumaņ qoruc bozeo razizo murâ waiņ me opâ sanaņ gâcne moc mi nânzepieņ; dâņsanaņ i mimiņzi qâric bajunzepieņ. 10 ņoņe wiac tirine â omane erâ wiac qaqaacne â wâwânâņhec i zâņitarâ mana wosâenzepieņ. 11 Ehuc noni Mose dâņsanaņ âzâcne mutâc epe mufua-ņarewec i Israe ņic ņokac qazu-jare-fârenzepieņ.”

12 Eme Mose e Aron â ņokâfâcne jaņeraonec jajahec sawa jupic, Eleaza â Itama jaņe ziņuc jazawec: “ņoņe taha bâzi Wofuņte biņe rikepie tiwâne foekac i wâc tirine jâmbâņ ekacte rorâ alata heririņko goreņ tâmiric nânzepieņ. 13 I Wofuņte biņe rikekicnaonec go â ņokâfâcge ņoņere biņe qakicnere tiri haeo nânzepieņ. No iņuc hâcne mutâcne-narekicne. 14 Amec siecne fenzoņkekiecne â ņefacne bâzi rikekicne i go mecne â ņokâfâcge mecne erâ otâfâcge jaņehec mâmâc fic hae qaqaacne mocko nânzepieņ. Wiac i hâcne Israe ņic ņokac jaņere wama bâzionatec go â ņokâfâcge ņoņere biņe qakicne. 15 ņefacne bâzi rikeeņgopieņ â amec siecne fenzoņkeeņgopieņ i Wofuņte maio fenzoņkehuc taha baniņte wokemaņ zocko rikeeņgopieņ ihec mâmâc bafisinzepieņ. Eme Wofuņzi mutâcnewec irec sâcko go â ņokâfâcge ņoņere biņe erâ fohuc juzejec.”

16 Mose e iņuc murâ sâqocne tâtâmire tahare noniņ irec aijakic jaha mu wioc ewec. Ehuc, biac râepie zajec, iņuc manarâ Aron ņokâfâcne

jaņeraonec jajahec jupic, Eleaza â Itama jahe aaric mana-jactehuc zinjuc jasawec: <sup>17</sup> “Ŋohe sâqocne tâtâmire taha i wemocte tiri haeo mi nâpirec? I wiac tirine jâmbân hâcne, erâ Wofunțe maio kikefun jaņere kiwiric rohuc kinjenic âsickenicte ŋacte taha ekicne. <sup>18</sup> Manakopirec, socticne i tiri boze maņnao mi bafekicne. No mutâcne-ŋactepo irec sâcko tiri bozeo nâpire muzac sâckezac. <sup>19</sup> Injuc mume Aronzi Mose zinjuc âzâcnewec: Manakic, jahe miņecgac Wofunțe maio sâqocne tâtâmire taha â qowi bâzi-jekic rikepirec, ehame sifu wiac hâhâwicne keci fua-narejec. Me miņecgac sâqocne tâtâmire taha nâpe muzac Wofunțe maio sâckezac me?” <sup>20</sup> Eme Mose e dân i manarâ maname fâsâewec.

## 11

### *Wipe qowi qaqaacne â wâwânâņhec jaņere dân (Sâc 14:3–21)*

<sup>1</sup> Eme Wofunzi Mose â Aron zinjuc jasawec:  
<sup>2</sup> “Ŋohe Israe ŋic ŋokac keczinjuc jazazepirec: Ŋoņe mâreņko qowi juranġopieņ jaņeraonec gâcne keczinjuc nâcjopazo murâ nâcjopanġepieņ.  
<sup>3</sup> Kike râqâc-jeņic fâucke-hâmokicne fuambinġ â nânâ ŋâc hepie wefume nâeņġopieņ i jaņe sâcne nâcjopaninmu. <sup>4</sup> Kike râqâc-jeņic fâuckekicne fuambinġ me nânâ ŋâc hepie wefume nâeņġopieņ jaņeraonec sifu keczinjuc jaņe mi nâcjopanġepieņ: Kamele e nânâ ŋâc heme wefume nâekac, mâc kike râqâc-ticne mi fâuckekicnere manacnepie wâwânâņhec ezejec. <sup>5</sup> Erâ qowi moc zâņene roki beze e nânâ ŋâc heme wefume nâekac, mâc kike

râqâc-ticne mi fâuckekicnere manacnepie qowi wâwânânheç ezejec. <sup>6</sup> Me qowi moc zânene hea, e nânâ-ticne nâc heme wefume nâekac, mâc kike râqâc-ticne mi fâuckekicnere manacnepie wâwânânheç ezejec. <sup>7</sup> Erâ bec e kike râqâc-ticne fâuckekicne, mâc nânâ nâhuc nâc mi heekacte manacnepie wâwânânheç jaha ezejec. <sup>8</sup> Qowi i jañere hâcne manapie wâwânânheç eha mi nâcjopanzenjen â qânqân-jenjenic ba bâuac wâc mi enzenjenjen.

<sup>9</sup> “Opâo qowi junjopienjen gâcne kecziñuc nâcjopazo murâ nâcjopanzenjenjen: Hâwecko me opâo qowi dipa â garac-jenjenic sasawa junjopienjen jañe sâcne nâcjopaniñmu. <sup>10</sup> Qowi wiac gâcne gâcne hâwecko me opâo dipa â garac tâmiric geric geric bahuc junjopienjen jañere ine manapie wiac mamakâcne ezejec. <sup>11</sup> Eme jañe mamakâcne jaha juhapie biuc-jenjenic mi nânzenjenjen â qânqân-jenjenic honepie mamakâcne jaha ezejec. <sup>12</sup> Opâ qowi dipa â garac tâmiric sasawa honec-jopapie mamakâcne efârenzenjenjen.

<sup>13</sup> “Wipe jañeraonec ine kecziñuc jañere mamakâc-ñopame mi nâcjopanzenjenjen, jañe wiac mamakâcne hâcne. Tucwibe, mombanjen, kenjen, <sup>14</sup> bicqârenjen, mebâronjen â wipe inucne gâcne, <sup>15</sup> kâec kâec â wipe inucne gâcne, <sup>16</sup> qera, ñafe wipe, kâte kainqanjen, piñu piñu â wipe inucne gâcne, <sup>17</sup> bioc bioc, gararawenjen, qârenjen hâmoc, <sup>18</sup> mebâ, baro gâgâpâc, qeri, <sup>19</sup> qeço, baro qanqanjen, bikuanjen erâ mindi mindi.

<sup>20</sup> “Gisic wiac fafakec-jenjenic â mekike-jenjenic 4-zi rac warec eenjopienjen jañere manapie wiac

mamakâcne jaha ezejec. <sup>21</sup> Mâc gisic wiac gâcne fakec-jeñichec â mekike-jeñic 4-zi rac warec eenḡopieñ erâ kike-jeñic gâcnezi mâreñko tara he ehuc raenḡopieñ jañe ine nâcjopazo murâ sâcne nâcjopaniñmu. <sup>22</sup> Žiñuc jañe sâcne nâcjopaniñmu hâcne: Hâpic fuñne fuñne, qâuc bisirec fuñne fuñne, qirikiñ fuñne fuñne, erâ hefuac fuñne fuñne. <sup>23</sup> Gisic wiac gâcne gâcne fakec-jeñichec â mekike-jeñic 4 jañere ine manapie wiac makâcne ezejec.

<sup>24</sup> “Ñoñe qowi â gisic iñucne nâhuc wâwânâñhec eniñmu hâcne; eme moc e qâñqâñ-jeñic ba bâuac ehuc wâwânâñhec erâ juha hae ñafeocmu. <sup>25</sup> Me moc e qâñqâñ-jeñic tofane moc rorâ baraocmu e ñaqi-ticne zurezejec, e jahacne ine wâwânâñhec erâ juha hae ñafeocmu. <sup>26</sup> Qowi kike râqâc-jeñic dâkâpeañ fâuckekicne fuambin, me nânâ nâhuc ñac mi heenḡopieñ jañere manapie wâwânâñhec ezejec. Irec moc e ba bâuac ejarerâ wâwânâñhec eocmu. <sup>27</sup> Erâ qowi me kike tape-jeñic 4-zi rac warec eenḡopieñ jañere wâc manapie wâwânâñhec ezejec. Ehamo moc e qâñqâñ-jeñic ba bâuac ejareocmu e wâwânâñhec erâ juha hae ñafeocmu. <sup>28</sup> Me moc e qâñqâñ-jeñic rorâ baraocmu e ñaqi-ticne zurezejec, e jahacne ine wâwânâñhec erâ juha hae ñafeocmu. Ñoñe qowi iñucne hâcne honec-jopapie wâwânâñhec enzeñieñ.

<sup>29</sup> “Wiac kecziñuc jañe mâreñko guru sâko juenḡopieñ jañere wâc manapie wâwânâñhec ezejec: Qâqâto, zuc, fârio fuñne fuñne, <sup>30</sup> râoñ, gugume, rekâ, gurac erâ kambarec. <sup>31</sup> Qowi

piic piic i jaņere hâcne manapie wâwânâņhec ezejec, ehame ņic moczi qâņqâņ-jeņic ba bâuac ehuc wâwânâņhec erâ juha hae ņafeocmu. <sup>32</sup> Me qâņqâņ-jeņiczi wiac moc jâczi bakicne, me ņaqi, me qowi sahaç, me târu, me giere wiac i me i he heuac ejareme wâwânâņhec eniņmu. Irec wiac iņucne i opâo râepie hurâ foha hae ņafeme qaçackezejec. <sup>33</sup> Me qowi iņucnezi hapecko me kuzio hume wiac maņnao fokac izi wâwânâņhec eme kuzi qançanzenzepieņ. <sup>34</sup> Hapeç iņucnao opâ fokac i nânâ faio hesiepie wâwânâņhec eocmu, me hapeç irecnec opâ nâpie wâwânâņhec jaha eocmu. <sup>35</sup> Me qâņqâņ-jeņic moczi waha qahuc wiac i me i he heuac ecneme wâwânâņhec eocmu. Irec nânâ zaza qânâ nombâņ me zafe he heuac ejaçteme hezuc hemaseç ejaçtenzepieņ. Jahe wâwânâņhec epicte honeç-jofapie wâwânâņhec jaha ezepireç. <sup>36</sup> Qowi iņucne moczi opâ zâņeo me opâ nombâņko hume opâzi sifu qaçacnea foocmu; mâç qowi opâo hukicne i ņic moczi ba bâuac ehuc wâwânâņhec eocmu. <sup>37</sup> Me qowi i jaņere qâņqâņte dâkâne moczi hândâņ titiere biņe râekicne ireç fainao ferâ heuame hândâņ izi sifu qaçacne foocmu. <sup>38</sup> Mâç hândâņ i qanaņ opâ hehapie zâhec qâņqâņ iņucnezi heuame ine manapie wâwânâņhec ezejec.

<sup>39</sup> “Qowi nâçjopaniņte mana-ņarekicne jaņeraoneç moc hâmome ba bâuac ecneniņmu ine wâwânâņhec erâ juhapie hae ņafezejec. <sup>40</sup> Me ņic moc e qowi hâmocne i nâocmu e ņaqi-ticne zurerâ wâwânâņhec erâ juha hae ņafezejec. Me moc e qowi hâmokicne rorâ baraocmu e wâç iņuc

jaha ñaqi-ticne zurerâ e jahacne wâwânâñhec erâ juhame hae ñafezejec.

<sup>41</sup> “Gisic wiac piic piic mârenko gerec gerec bahuc juengopien jañe wiac mamakâcne engopienñe mi nâcjopanzipien. <sup>42</sup> Qowi wiac foforâ juengopien me mekike-jeñiczi babarâ raengopien me mekike-jeñic bocjaha, erâ wiac sasawa mâren faio gerec gerec bahuc juengopien jañe wiac mamakâcne engopienñe mi nâcjopanzipien. <sup>43</sup> Ñoñe wiac gerec gerec bahuc juengopien jañe ba bâuac ejarehuc mi makârenzipien, ñoñe juju-ñeñic hegâpârenzipienñe wiac i ba bâuac ejarehuc wâwânâñhec mi enzepien. <sup>44</sup> No Wofuñ Anutu-ñeñic jukopac hâcne, no tiri jukopacte ñoñe juju-ñeñic bâtirihuc tiri jaha junzepien. Ñoñe mârenko wiac gerec gerec bahuc juengopien jañe ba bâuac ejarehuc wâwânâñhec mi enzepien. <sup>45</sup> No Wofuñ-ñeñiczi Anutu-ñeñic jupemurâ Aigita mârenkonec jowac-ñopa wefupo, irec no tiri jukopacte ñoñe tiri jaha erâ junzepien.”

<sup>46</sup> Dâñ zizi wipe qowi â wiac jujune sasawa opâo me mârenko gerec gerec bahuc juengopien jañere sâcmutâc. <sup>47</sup> Ñoñe wiac wâwânâñhec â qaqaçne me qowi gâcne nâniñte me mi nâniñte muñarekicne i zâñitarâ mana wosâec-jopaniñte dâñ i hâcne râe-ñarekicne.

## 12

*Ñokac jañere sâcmutâc dâñ*

<sup>1</sup> Wofunzi Mose dân kecziñuc âzâcnewec: <sup>2</sup> “Go Israe ñic ñokac ziñuc jazazemec: Ñokac moczi kogoc kiweckerâ motec roocmu irec faicnao wâwânâñhec juha zoañ gie bapa 7 tarazejec; mosa dameñ-ticnao soc rohuc wâwânâñhec ewec irec sâc jaha juzejec. <sup>3</sup> Eme zoañ gie bapa namba 8 maickeme motec e sa hac tofa-ticne hetâcnenzepienj. <sup>4</sup> Eme ñokac e tâpiri-ticne mocwâc fuaocte zoañ gie bapa 33 ficko ñehuc juzejec, e wiac tirine ba bâuac mi ehuc â tiri-ficko wâc mi fefe mâc ñehuc juha qaqaçne juju dameñ-ticne mocwâc maickezejec. <sup>5</sup> Me ñokac e kogoc kiweckerâ naru roocmu irec faicnao wâwânâñhec juha sonda 2 tarazejec, e mosa dameñ-ticnao soc rohuc wâwânâñhec ewec irec sâc jaha juzejec. Eme irec faicnao zoañ gie bapa 66 mâc ñehuc juha qaqaçne juju dameñ-ticne mocwâc maickezejec.

<sup>6</sup> “Ñokac e naru me motec roocmu irec faicnao taha bapa tutumañ qoruc bozere motâcko juekac erao taha râezejec, ine lama moc jara-ticne wâñ ekicne i qowi bâzi tahare biñe â hapâ me buni moc ine sâqocne tâtâmire tahare biñe râezejec. <sup>7</sup> Eme taha bapa e wiac i Wofunje maio taha bahuc ñokacte kiwiric rozejec, ehame ñokac e soc rohuc wâwânâñhec juweczi qaqaçkezejec. Ñokac naru me motec roocmu ere sâcmutâc dân iñuc hâcne fokac. <sup>8</sup> Me lama moc mi jucneñgopienko ine hapâ jajahec me buni jajahec rocjofarâ moc qowi bâzi tahare biñe â moc sâqocne tâtâmire tahare biñe râezejec. Ehame taha bapazi taha bahuc kiwiric rocne me qaqaçkezejec.”



# 13

## *Wicsanaŋte sâcmutâc dân*

<sup>1</sup> Wofuŋ e Mose â Aroŋ ziŋuc jasawec:  
<sup>2</sup> “Njic moc e sahaç-ticne siwiŋneocmu me pupucneocmu me waec fuacneocmuzi zâhec wicsanaŋ ecneme taha bapa Aroŋ me ŋokâfâcne jaŋeraonec taha bapa moc erao jowa ranzepieŋ.  
<sup>3</sup> Eme taha bapa e njic sahaç zâwâ-ticne qaŋqaŋ eme me sahaç-ticne biac dockeme honerâ muzejec, i wicsanaŋ hâcne. Taha bapa e njic iŋuc hone manac ecnerâ ziŋuc âzâcnezejec: Go wâwânâŋhec. <sup>4</sup> Mâc sahaçzi dockerâ wic mi ehuc mâc qeueocmu, me sahaç zâwâ-ticne qaŋqaŋ mi eme taha bapazi njic e ficko râeme ŋehuc juha zoaŋ gie bapa 7 tarazejec. <sup>5</sup> Eme zoaŋ gie bapa namba 7 ira ine taha bapazi njic mocwâc hone manac ecneme wic biac mi fuame ine zoaŋ gie bapa 7 zuhuckerâ ficko ŋeocte muzejec. <sup>6</sup> Eme dameŋ i tarame hone manac ecneme wiczi fua sokac mi eme taha bapazi njic zinuc âzâcnezejec: Sahaçge qaçacnea fokac, i mâc pupucne rakac; eme njic e ŋaqi qoruc-ticne zure-fârerâ qaçacne jaha juzejec. <sup>7</sup> Eme njic e taha baparao fuaocmu irec faicnao wiczi sokame ine taha bapa mocwâc fuacnezejec. <sup>8</sup> Eme taha bapazi mocwâc hone manac ecnehuc, wiczi fua sokac ewec, iŋuc honerâ ziŋuc muzejec: Njic e wicsanaŋ fuacnekacte wâwânâŋhec ekac.  
<sup>9</sup> “Njic moc wicsanaŋ ecneme taha baparao jowa ranzepieŋ. <sup>10</sup> Eme taha bapazi hone manac ecnezejec. Ehame sahaç-ticne tamaehuc siwiŋneme sahaç zâwâ-ticne qaŋqaŋ ewec,

eme sisiwiņ fokac ira biuczi hâckerâ ñeme honerâ ziņuc manazo: <sup>11</sup> I wicsanaņ ranqane, irec taha bapa e, ñic go wâwânâñhec jukomec, iņuc âzâcnerâ ficko mi râezejec; ñic e biac wâwânâñhec ekac hâcne. <sup>12</sup> Me wicsanaņzi fua sawec erâ saħac-ticne sasawa qizecnaonec fuņkerâ wahaku kikenao tarakac i sâcke-fâreme <sup>13</sup> taha bapazi hone manac ecnezejec. Eme wicsanaņzi saħac-ticne sâcke-fârewec, iņuc honerâ ziņuc âzâcnezejec: Go qaqačekomec. Wiczi qaņqaņ efârewecte ñic e qaqačekac hâcne. <sup>14</sup> Me biuczi erao hâckerâ ñeme ziņuc manazo: Ñic e wâwânâñhec. <sup>15</sup> Eme taha bapa e hone manac ecnerâ ziņuc âzâcnezejec: Go wâwânâñhec ekomec. Wicsanaņ fokacte biuc hâčekicnezi wâwânâñhec ekac. <sup>16</sup> Me biuc hâčekicnezi qaņqaņ eme ñic e taha bapa mocwâc fuacnezejec. <sup>17</sup> Eme taha bapazi hone manac ecnehuc, wic i biac qaņqaņ efârewec, iņuc honerâ ziņuc âzâcnezejec: Go qaqačekomec hâcne.

<sup>18</sup> “Me ñic mocte saħacko wiczâhâc tackekicnao <sup>19</sup> sisiwiņ hawarine qaņqaņ me gogowac moc fuame taha bapa jâutunzepieņ. <sup>20</sup> Eme taha bapazi hone manac ezejec. Eħame saħac-ticne biac dockeme saħac zâwâ-ticne qaņqaņ eme taha bapazi honerâ ñic ziņuc âzâcnezejec: Go wâwânâñhec ekomec, i wiczâhâczi juku wicsanaņ ewec hâcne. <sup>21</sup> Me saħac zâwâzi qaņqaņ mi eme â saħac-ticnezi biac mi dockeħa taha bapazi honerâ ficko râeme ñehuc juħa zoaņ ġie bapa 7 tarazejec. <sup>22</sup> Eħame wiczi mesahac-ticne ġâcne sâcke-fâreme taha bapazi ziņuc âzâcnezejec: Go

wâwânân̄hec ekomec, wicgezi wicsanaŋ ekac hâcne. <sup>23</sup> Me wiczi mi sokame ine ziŋuc muzo: Wiczâhâcte râfâ sawa eme taha bapazi fâsâcne jukomec, iŋuc âzâcnezejec.

<sup>24</sup> “Me ŋic mocte sa hac zoczi zame pârâckerâ gowaeme qaŋqaŋ erâ foocmu, <sup>25</sup> ine taha bapazi hone manac ezejec. Ehame sa hac zâwâzi qaŋqaŋ eha sa hac-ticne dockeme ziŋuc manazo: I wicsanaŋ hâcne, zoczi zakicnao fuawec. Eme taha bapazi ziŋuc âzâcnezejec: Go wicsanaŋ fua-garekacte wâwânân̄hec ekomec hâcne. <sup>26</sup> Me sa hac zâwâzi qaŋqaŋ mi ewec, me sa haczi biac mi dockehuc mâc bâŋeŋkeme taha bapazi honerâ ficko râeme ŋehuc juha zoaŋ gie bapa 7 tarazejec. <sup>27</sup> Eme zoaŋ gie bapa namba 7 ira taha bapazi ŋic e hone manac ecnezejec. Ehuc wic i fua sokac eme honerâ ziŋuc âzâcnezejec: Go wicsanaŋ fua-garekacte wâwânân̄hec ekomec. <sup>28</sup> Me wic i mârâc fowec ijaha fohuc mi sosoka mâc gowaeme ziŋuc muzo: Ɔocbârũzi zame siwiŋnewec. Irec taha bapa e ŋic ziŋuc âzâcnezejec: Ɔocte râfâ sawa ekacte qaŋqackekomec.

<sup>29</sup> “Eme ŋic me ŋokac moc utunao me mecqaŋeŋnao wic moc fuacneme <sup>30</sup> taha bapazi wic i honezejec. Ehame sa hac-ticne dockeha sa hac zâwâne bâŋeŋkeme taha bapazi ŋic ziŋuc âzâcnezejec: Utugao me mecqaŋeŋgao wic fua-garekac i wicsanaŋ ekacte wâwânân̄hec ekomec. <sup>31</sup> Me sa haczi biac mi dockeha â sa hac zâwâzi gâgâpâc mocwâc mi ehuc bâŋeŋkeme taha bapazi wicte fuŋne iŋuc honerâ ŋic wichec e ficko râeme ŋehuc juha zoaŋ gie bapa 7 taraze-

jec. <sup>32</sup> Eme zoaŋ gie bapa namba 7 ira taha bapazi i mocwâc honezejec. Eme wiczi soka ŋedâmârec mi ewec, me sa hac zâwâzi bâbâŋeŋ mi fuame â wiczi mi dockeme <sup>33</sup> ine ŋic e meczâwâ hehuc wicko ine mi hezejec. Ehame taha bapazi ŋic wichec e ficko râeme zoaŋ gie bapa 7 zuhuckerâ ŋezejec. <sup>34</sup> Eme zoaŋ gie bapa namba 7 ira taha bapazi wic honezejec. Ehame wiczi soka ŋedâmârec mi eme â sa haczi wâc mi dockeme taha bapazi ŋic ziŋuc âzâcnezejec: Go qa qackekomec. Iŋuc âzâcneme ŋic e qoruc wiac-ticne zure-fârêrâ qa qacne juzejec. <sup>35</sup> Me irec faicnao wicticnezi mocwâc soka ŋedâmârec eme <sup>36</sup> taha bapazi honezejec. Ehuc fua sawec ewecko ine sa hac zâwâ bâbâŋeŋte zâŋe mi fihuc mâc ziŋuc sawa âzâcnezejec: Go wâwânâŋhec jukomec. <sup>37</sup> Me wic sâfirune mârâc fowec ijaha foha sa hac zâwâ gâgâpâc mocwâc fuame honerâ ziŋuc muzo: Wiczi somiekacte ŋic e qa qackekac. Eme taha bapazi ziŋuc âzâcnezejec: Go qa qackekomec.

<sup>38</sup> “Me ŋic me ŋokac moc sa hac-ticnao qâqâfoŋ fuame <sup>39</sup> taha bapazi honezejec. Ehame sa hac-ticnao qâqâfoŋ fuakaczi qazueme ziŋuc manazo: Wic omanezi sawa fuakacte ŋic e qa qackekac.

<sup>40</sup> “Ŋic moc qizec susuc-ticne waha-fâreme utu pârâc eocmuzi sifu qa qacne juocmu. <sup>41</sup> Me ŋic moc e qizec susuc-ticne mai-ticnao me naki-ticnao dômakac izi waha-fâreme mai pârâc erâ sifu qa qacne juocmu. <sup>42</sup> Me utu pârâc me mai pârâc-ticnao sa haczi bâruŋkeme ziŋuc muzo:

Utu pârâc me mai pârâc-ticnao wicsanaŋ fuakac hâcne. <sup>43</sup> Inuc fuame taha bapazi honezejec, ehame sisiwiŋ bâbâroŋ fuakac i sahacko wicsanaŋ fuaekac irec sâc eme ziŋuc manazo: <sup>44</sup> Njic e wicsanaŋhec ehuc wâwânâŋhec ekac. Irece wicsanaŋzi qizec-ticnao fuakacte taha bapazi ziŋuc âzâcnezejec: Go wâwânâŋhec ekomec.

<sup>45</sup> “Njic moc wicsanaŋ ecneocmu e ŋaqi suckekicne heme hume juzejec, erâ qizec susuc-ticne beheme zorazejec. Ehuc meczâwâ-ticne faicpec bâsoŋkerâ ziŋuc muhuc owackezejec: Wâwânâŋhec, wâwânâŋhec. <sup>46</sup> E wicsanaŋ focneocmu sâc wâwânâŋhec jaha juocmu. Erâ wâwânâŋhec ekacte hae râpenao bucticne juzejec.

<sup>47</sup> “Ŋaqi zâwânehec me zâwâ tâmiric <sup>48</sup> â qoruc wiac zâwânehec me zâwâ tâmiric, erâ qowi sahad me wiac gâcne qowi sahadzi bakicne <sup>49</sup> i gukuckehuc qondaŋ qarâ gufeme honerâ taha bapa jâutunzepieŋ. <sup>50</sup> Eme taha bapazi honerâ ŋaqi qoruc gukuckekicne i ficko râeme foha zoaŋ gie bapa 7 tarazejec. <sup>51</sup> Ehame zoaŋ gie bapa namba 7 ira mocwâc honezejec. Eme gukuczi ŋaqi qoruc me qowi sahad me wiac gâcne qowi sahadzi bakicne i sâcke-fâreme honerâ ziŋuc manazejec: I wiac repicnezi wâwânâŋhec. <sup>52</sup> Inuc manarâ ŋaqi qoruc zâwânehec me zâwâ tâmiric â wiac gâcne qowi sahadzi bakicne i zocko rikezejec.

<sup>53</sup> “Me taha bapa e ziŋuc mecne honeocmu: Gukuczi ŋaqio me qoruc wiacko me wiac qowi sahadzi bakicnao mi sawewec. <sup>54</sup> Inuc honerâ wiac gukuckekicne i zureninŋte

mutâcne-jarezejec, zurepie ficko râeme foha zoan  
gie bapa 7 tarazejec. <sup>55</sup> Eme wiac gukucnehec  
zurekicne i taha bapazi mocwâc honezejec. Eme  
gukuczi mi sawewec â hawari-ticne wâc mi  
hetikiewec, iñuc honerâ sifu ziñuc manazejec: I  
wâwânâñhehec ekac. Irec gukuczi ñifec fuame  
zocko rikezemec.

<sup>56</sup> “Me wiac gukucnehec zurepie gowaeme taha  
bapazi honerâ ñaqi me qowi sa hac me qoruc  
tofane gukuckewec i bâsuckerâ behezejec. <sup>57</sup> Eme  
ñaqio me qoruc wiacko me wiac gâcne qowi sa-  
haczi bakicnao mocwâc saweme go wiac gukuck-  
ekicne hâcne zocko rikezemec. <sup>58</sup> Me ñaqi me  
qoruc wiac me wiac gâcne qowi sa haczi ba-  
kicne i zurepie gukuc omaeme harierâ zurepie  
qaqacke-hâmozejec.”

<sup>59</sup> Ñoñe ñaqi zâwânehec me zâwâ tâmiric me  
qoruc wiac, me wiac gâcne qowi sa haczi bakicne i  
gukuckeme qaqacne me wâwânâñhehec eocmu irec  
fuñe mananiñte sâcmutâc zine hâcne râekicne.

## 14

### *Wicsanañheczi qiqic qaniñmu irec dân*

<sup>1</sup> Wofuñzi Mose kecziñuc âzâcnewec: <sup>2</sup> “Ñic  
wicsanañheczi qiqic qaocmu zoan ira sâcmutâc  
dân kecziñuc fokac irec sâcko ecnezo: Ñic e  
taha baparao baranzepien. <sup>3</sup> Eme taha bapazi  
hae râpenao hurâ ñic e hone manac ecneze-  
jec. Eme ñic e qiqic qawec, <sup>4</sup> taha bapazi  
iñuc honerâ mume ñic ere biñe taha râepie  
qaqackeocete wiac kecziñuc bafisinzepien: Wipe  
qâricne biañne jajahec â jâmâzâc jâc dâkâne moc,

erâ muc bâbâronj â wiac âsu bianhec. <sup>5</sup> Erâ taha bapazi jazame wipe moc i kuzimanjko opâ qâricne njekac irec fainao qâhâmonzepiej. <sup>6</sup> Ine wipe qâricne â jâmâzâc jâc dâkâne erâ muc bâbâronj â wiac âsu bianhec i rocjoparâ wipe opâ faio qâhâmokicne irec socko âke uruc-jopazejec. <sup>7</sup> Ehuc njic wicsananjheczi qiqic qaocte bafisimbinj e soc ruacneme arec 7 ezejec. Injuc erâ zinjuc âzâcnezejec: Qaqackekomec hâcne. Injuc muhuc wipe qâricne sawao beheme ferâ razejec. <sup>8</sup> Eme njic qiqic qaocte mukicne e qoruc wiac-ticne zurerâ qizec-ticne rozejec, ehuc e jahacne opâ ruarâ qaqackezejec. Eme irec faicnao haeo razirâ boze râpeo njehuc juha zoanj gie bapa 7 tarazejec. <sup>9</sup> Eme zoanj gie bapa namba 7 ira ine qizec-ticne mocwâc rohuc meczâwâ â zânje susuc-ticne â sahad zâwâ-ticne sasawa hefârezejec. Injuc erâ njaqi qoruc-ticne mocwâc zurehuc e jahacne wâc opâ ruarâ qaqackezejec.

<sup>10</sup> “Erâ zoanj gie bapa namba 8 ira wiac keczinjuc bacjopa fisizejec: Lama njicne bianje jajahec â lama njokacne bianje moc jara-ticne wânj ekicne erâ poronj uucne oto moc irec 10-konec 3 woke-manjhec bâsifuckekicne â wokemanj opâ kirunj moc. <sup>11</sup> Eme taha bapa e njic wâwânânjhec eki qaqackeocete taha gie baocmuzi njic e jahacne â wiac bafislocmu i tutumanj qoruc bozere motâcko Wofunje maio râec-jopazejec. <sup>12</sup> Ehuc lama njicne moc â wokemanj opâ kirunjhec i kinj tatara tahare binje râehuc Wofunje maio fenzonjezejec. <sup>13</sup> Injuc erâ sâqocne tâtâmire tahare binje qowi â qowi bâzi tahare binje qâhâmoenjgopiej alata

mutirikicne ira lama qâhâmozejec; kiñ tatarare tahazi sâqocne tâtâmire taha injucne taha bapare biñe ekac irec, i wiac tirine jâmbân. <sup>14</sup> Eme taha bapa e kiñ tatara tahare soc gâcne rorâ ñic qaqackeocne mukicne ere hazec fâreopec â menengoc-ticne fâreopec â kike nenngoc-ticne fâreopec i ruacne-fârezejec. <sup>15</sup> Taha bapa e injuc erâ wokemañ opâ kiruñko ñekac i gâcne e jahacne metape qanaopec ira hoñkezejec. <sup>16</sup> Izi memotec-ticne fâreopec wokemañ ira âke uruckerâ Wofunçe maio tieme arec 7 ezejec. <sup>17</sup> Wokemañ tiwâne ñeocmu i ine ñic qaqackeocne mukicne ere hazec fâreopec â menengoc-ticne fâreopec erâ kike nenngoc-ticne fâreopec kiñ tatarare soc ruacne-keicne irec faio ruacne-fârezejec. <sup>18</sup> Wokemañ opâ tofane taha bapare meo ñeocmu i ine ñic qaqackeocne mukicne ere faio hoñkezejec. Injuc ehuc Wofunçe maio kiwiric jâoc rozejec. <sup>19</sup> Taha bapa e ñic qaqackeocne mukicne ere kiwiric rohuc sâqocne tâtâmire taha hâcne râzejec. Injuc ehuc zâhec qowi bâzi ririkere qowi qâhâmozejec. <sup>20</sup> Qâhâmorâ qowi bâzi â taha bâzi i alatao rikezejec. Taha bapa e injuc ehuc ñic kiwiric jâoc rome qaqackezejec.

<sup>21</sup> “Me ñic e hapetacte wiac injucne sâko râeocne qunkeocmuo ine kiñ tatara taha fenzonkehuc kiwiric jâoc roninte lama ñicne mocjaha sawa râzejec. Taha bâzire ine poroñ uucne wokemañhec bâsifuckekicne oto moc irec 10-konec wân erâ wokemañ opâ kiruñ moc bafisizejec. <sup>22</sup> Ehuc hapâ jajahec me buni jajahec, ine focneocmu sâc râzejec, ehame moc i sâqocne



tâtâmire tahare biņe â moc i qowi bâzi tahare biņe ezejec. <sup>23</sup> Njic e qaçackerâ wiac i zoaņ gie bapa namba 8 ira taha baparao tutumaņ qoruc bozere motâcko Wofunțe maio râezejec. <sup>24</sup> Eme taha bapa e kiņ tatara tahare lama â wokemaņ kiruņ i rorâ taha bahuc Wofunțe maio fenzoņkezejec. <sup>25</sup> Ehuc kiņ tatara tahare lama qâhâmorâ socticne gâcne rorâ njic qaçackeocte fi-siocmu ere hazecqoņ fâreopec â menengoc-ticne fâreopec erâ kike nengoc-ticne fâreopec i ruacne-fârezejec. <sup>26</sup> Taha bapa e iņuc erâ wokemaņ opâ kiruņko ņekac i gâcne e jahacne metape qanaopec ira hoņkezejec. <sup>27</sup> Izi memotec-ticne fâreopec wokemaņ opâ ira âke uruckerâ Wofunțe maio tieme arec 7 ezejec. <sup>28</sup> Wokemaņ gâcne ine njic qaçackeocte mukicne ere hazecqoņ fâreopec â menengoc-ticne fâreopec erâ kike nengoc-ticne fâreopec kiņ tatara tahare soc ruacnekicne irec faio ruacne-fârezejec. <sup>29</sup> Wokemaņ opâ tofane taha bapare meo ņeocmu i ine njic qaçackeocte mukicne ere faio hoņkezejec. Iņuc ehuc Wofunțe maio kiwiric-ticne rozejec. <sup>30</sup> Eme njic e hapâ me buni moc jucneņgopienjko taha bazejec. <sup>31</sup> Ine moc sâqocne tâtâmire tahare biņe â moc qowi bâzi tahare biņe eha taha bâzi mâmâc râezejec. Ehame taha bapazi njic qaçackewec ere kiwiric rozejec. <sup>32</sup> Njic moc wicsanaņhec juku biankeweczi taha wiac râezo eipieocmu ere sâcmutâc iņuc hâcne fokac.”

*Ficwiac gukuckeme wâwânâņhec eekac*

<sup>33</sup> Wofunzi Mose â Aroņ ziņuc jasawec: <sup>34</sup> “No Kanaan mâreņ i ņoņere biņe eocte ņare tahac

epemu. Eme ñoñe ira fisirâ juhapie mupe fic hae-ñeñic gukuckeme <sup>35</sup> fic runezi taha baparao rarâ zĩñuc âzâcnezejec: No honepe fic hae-nane gukuckekac ññuc tinac ekac. <sup>36</sup> Ññuc âzâcneme taha bapazi ficmañko wiac sasawa fokac i ropie waha-fâreocete jazazejec. Wiac i wâwânâñhec efârekac muzacte ññuc enzeñieñ. Eme ropie waha-fâreme taha bapazi ficmañko fezejec. <sup>37</sup> Ferâ fic gukuckewec i honezejec; ehame ficsâpe gukuckehuc qondañ qarâ gufewec, <sup>38</sup> taha bapazi ññuc honerâ fickonec waharâ motâc ki bame zoañ gie bapa 7 fozejec. <sup>39</sup> Eme taha bapa e zoañ gie bapa namba 7 ira risierâ mocwâc honezejec. Ehame gukuczi fic sâpenao soka ñedâmârec eme <sup>40</sup> honerâ jazame qânâ gukuc hawarinehec i bârârierâ hae râpeo jawao tuñkepie razejec. <sup>41</sup> Erâ qânâ sâpe fainao rârec rârec simenñ fokac i fâze emasañ eniñte jazazejec wâc. Eme wiac fâzekicne i hae râpeo jaha jawao honkepie razejec. <sup>42</sup> Erâ qânâ qâricne rorâ ñeñetacnao hepie ñeha simenñzi zimickenzeñieñ.

<sup>43</sup> “Eme qânâ wiac ropie wahaocmu â sâpe fâze emasañ erâ simenñ qâricnezi zimickepie fainao mocwâc gukuckeocmuo <sup>44</sup> ine taha bapazi ra honezejec. Eme gukuczi fic mañnao soka ñedâmârec eme zĩñuc manazo: Gukuc repicnezi fic mañne fusucmakacte wâwânâñhec ekac. <sup>45</sup> Ññuc manarâ fic i heropierâ qânâ â parañ wiac-ticne erâ simenñ zimickekiecne i hae râpeo jawao behepie razejec. <sup>46</sup> Me ñic moc e ficzi motâc hehe foha raziwecko ine wâwânâñhec erâ juha hae ñafezejec. <sup>47</sup> Me moc e fic ira foocmuzi

ŋaqi-ticne zurezejec, â moc e fic ira nânâ nôocmu e wâc iŋuc jaha ŋaqi-ticne zurezejec.

<sup>48</sup> “Me fic i simenŋ qâricnezi bâpianŋkepie faicnao gukuczi mocwâc mi fuame taha bapazi honerâ ziŋuc muzejec: Gukuczi omaeme ficzi qaqaqacne jaha ŋekac. <sup>49</sup> Eme fic i wâwânânŋ tâmiric zuhuckerâ ŋeocte taha bapazi wipe piticne jajahec â jâmâzâc jâc dâkâne erâ muc bâbâronŋ â wiac âsu bianŋhec rozejec. <sup>50</sup> Rorâ wipe moc kuzimanŋko opâ qâricne ŋekac irec faicnao qâhâmozejec. <sup>51</sup> Iŋuc erâ jâmâzâc jâc dâkâne erâ wiac âsu bianŋhec â muc bâbâronŋ i wipe qâhâmokicnere socko mecne â opâ qâricnao mecne âke uruckerâ ficmaŋko tieme arec 7 ezejec. <sup>52</sup> E iŋuc ehuc wipesoc â opâ qâricne â wipe qâricne â jâmâzâc jâc dâkâne erâ wiac âsu bianŋhec â muc bâbâronŋ izi ficmaŋne zure qaqaqackezejec. <sup>53</sup> Taram e wipe qâricne i hae râpeo sawao beheme ferâ razejec. E iŋuc ehuc fecte due bame fic izi hâcne qaqaqackezejec.”

<sup>54</sup> Wicsanaŋ fuŋne fuŋne irec sâcmutâc iŋuc hâcne fokac. <sup>55</sup> Wic sâfiru me ŋaqio me ficko gukuc fuakac, <sup>56</sup> me sisiwiŋ me qâqâfoŋ me pârâc fuame <sup>57</sup> wâwânânŋhec me wâwânânŋ tâmiric ekac irec fuŋne taniŋkeocte sâcmutâc iŋuc hâcne fokac.

## 15

### *Ŋic sahaç opâ wâwânânŋhec jaŋere dân*

- <sup>1</sup> Wofuŋzi Mose â Aroŋ kecziŋuc jasawec:  
<sup>2</sup> “Ŋohe Israe ŋic ŋokac kecziŋuc jazanic: Ŋic moc sahaç tofa-ticnaonec opâ wahaocmu i

wâwânân̄hec eocmu. <sup>3</sup> Ehamē sahaċ opâ-ticne wâwânân̄hec ireċ sâċmutâċ keċziŋuc fokac: Sahaċ opâ-ticne wahahuc foekac me waharâ mocwâċ omaewec ŋic e sifu wâwânân̄hec jaha ekac. <sup>4</sup> Ireċ ira me ira fome fofozī wâwânân̄hec jaha eocmu, me ira me ira ŋeme ŋeŋezi wâċ wâwânân̄hec jaha eocmu. <sup>5</sup> Me ŋic izi me izi fofo-ticne ba bâuac eocmu e qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>6</sup> Me ŋic izi me izi ŋic sahaċ opâ-ticne wahame ŋewec ijaha ŋeocmu e qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>7</sup> Me ŋic izi me izi ŋic sahaċ opâ-ticne wahaekac e ba bâuac ecneocmuzi qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>8</sup> Me ŋic sahaċ opâ-ticne wahaekac e ŋic moc tâfeċkeme eki qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>9</sup> Me ŋic sahaċ opâ-ticne wahaekaczi sate faio ŋeme sate i wâwânân̄hec jaha eocmu. <sup>10</sup> Me ŋic e wiac i me i ŋefackeocmu i ŋic moczi ba bâuac erâ wâwânân̄hec jaha juha hae ŋafezejec; me moc e wiac iŋucne baraocmu e qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>11</sup> Me ŋic sahaċ opâ-ticne wahaekaczi meticne mi zuzure ŋic moc ba bâuac ecneocmu e qoruc wiac-ticne zurerâ e jahacne wâċ opâ ruazejec, ehuc wâwânân̄hec jaha juha hae ŋafezejec. <sup>12</sup> Me ŋic sahaċ opâ-ticne wahaekaczi kuzi moc ba bâuac eme kuzi i henzaŋnenzeŋepien,

oto wiac ine opâzi zurenzepien.

<sup>13</sup> “Eme ñic sa hac opâ-ticne wâwânânheç e qiqic qarâ qaçackeocce zoaņ gie bapa 7 wose fezejec. Dameņ i tarame qoruc wiac-ticne zurerâ e jahacne wâc opâ fifisinao rarâ ruahuc qaçackezejec. <sup>14</sup> Erâ zoaņ gie bapa namba 8 ira ine hapâ me buni jajaheç rocjofarâ tutumaņ qoruc bozere motâcko Wofunțe maio taha bapa râcnezejec. <sup>15</sup> Eme taha bapazi taha râeme moc i sâqocne tâtâmire tahare biņe eha moc ine taha bâzire biņe ezejec. Ehame taha bapa e Wofunțe maio ñic wâwânân-ticnere erâ kiwiric jâoc rozejec.

<sup>16</sup> “Ñic moc e wie gorewac-ticne hoņkeocmu e sa hac-ticne sasawa opâzi zure-fârezejec, ehuc wâwânânheç jaha juha hae ñafezejec. <sup>17</sup> Ehame wie gorewac-ticnezi ñaqi wiac me fofu mâki bânânkeme opâo zure-fârenzepien, eme wâwânânheç jaha foha hae ñafezejec. <sup>18</sup> Me ñic moczi ñokac moheç fohuc wie gorewac-ticne hoņkeme jahe mâmâc jaha opâ ruarâ wâwânânheç jaha juhapire hae ñafezejec.

### *Ñokac wâwânânheç jaņere dân*

<sup>19</sup> “Ñokac moc e mosa dameņ-ticnao soc rohuc juocmu e wâwânânheç erâ juhame zoaņ gie bapa 7 tarazejec; ehame moczi ba bâuac ecnerâ wâwânânheç jaha juha hae ñafezejec. <sup>20</sup> Eme ñokac e wiac irec me irec fainao fome wiac izi wâwânânheç jaha eocmu; me wiac i me i irec fainao ñeme wâwânânheç jaha eocmu. <sup>21</sup> Me moc e fofu-ticne ba bâuac eocmu e qoruc wiac-ticne zurerâ e jahacne wâc opâ ruazejec,

ehuc wâwânânheç jaha juha hae ñafezejec. <sup>22</sup> Me ñokac e wiac i me i irec fainao ñeha ñic moczi ba bâuac erâ ñaqi wiac-ticne zurerâ e jahacne wâc opâ ruazejec, ehuc wâwânânheç jaha juha hae ñafezejec. <sup>23</sup> Me ñokaczi ñec foc ewecko wiac moc fowec i ñic moczi ba bâuac ehuc wâwânânheç erâ juha hae ñafezejec. <sup>24</sup> Me ñic moc e ñokac injucne ehac foha ere wâwânânzi erao fotâcneme wâwânânheç jaha juha zoaᅇ gie bapa 7 tarazejec. Ehame ñic e fofo foraocmu sâc fofo izi wâwânânheç efârezejec.

<sup>25</sup> “Me ñokac moc e mosa dameᅇ-ticne mi maickeha soc roocmu, me mosa dameᅇ-ticne tarame sifu soc zuhuckerâ roocmuo ine soc rohuc juocmu dameᅇ irec sâc wâwânânheç erâ juzejec, mosa dameᅇ-ticnao wâwânânheç eekac irec sâc hâcne wâwânânheç ezejec. <sup>26</sup> Soc rohuc fofo fainao foocmu fofo izi mosa dameᅇ-ticne maickeme fofo foekac irec sâc ezejec, me wiac i me i irec fainao ñeocmu izi wâwânânheç ezejec, ine mosa dameᅇ-ticnao ñeᅇe wiac-ticne wâwânânheç eekac irec sâc. <sup>27</sup> Eme moczi wiac i ba bâuac eocmu e wâwânânheç ehuc qoruc wiac-ticne zurerâ e jahacne wâc opâ ruarâ sifu wâwânânheç jaha juha hae ñafezejec. <sup>28</sup> Me socticne kereᅇkeme zoaᅇ gie bapa 7 wose fezejec; eme irec faicnao qaqaçkezejec. <sup>29</sup> Zoaᅇ gie bapa 8 ira ine hapâ me buni jahaheç rocjofarâ tutumaᅇ qoruc bozere motâcko taha bapa râcnezejec. <sup>30</sup> Eme taha bapazi taha râeme moc i sâqocne tâtâmire tahare biᅇe eha moc izi ine taha bâzire biᅇe ezejec. Eme taha bapa e Wofuᅇte maio

ɲokac wâwânâɲ-ticnere erâ kiwiric jâoc rozejec.

<sup>31</sup> “Israe ɲic jaɲe tirific-nane ɲonden-jeɲicko ɲekac i gâc hecnehuc hâmonzipiɲte wâwânâɲ-jeɲicte erâ uɲ sawaɲ ejarezemec.”

<sup>32</sup> Zi ɲic moc saɲac opâ-ticne wahaocmu me saɲac tofa-ticnao opâ hoɲkehuc wâwânâɲhec eocmu ere sâcmutâc. <sup>33</sup> Erâ sâcmutâc i ɲokac

moc mosa damaɲ-ticne maickeme wâwânâɲhec eocmu, me ɲic ɲokac i me i saɲac opâ-jeɲic wahaocmu jaɲere biɲe, me ɲic moczi ɲokac wâwânâɲhec ehec focmu ere biɲe wâc mâmâc eocmu.

## 16

### *Kiwiric rorore hombaɲ sâko*

<sup>1</sup> Aroɲ ɲokâ jahec-ticne jahe Wofuɲte maio fuarâ hâmpic irec faicnao Wofuɲzi Mose dâɲ kecziɲuc âzâcnewec: <sup>2</sup> “Go hahacge Aroɲ e hâmozacte âzâcnetec tirifictê ââketâc râpenao katapa tapanere maɲfuɲko damaɲ sâc mi warezejec, no zira hâcne karorac maɲko fuapemu.

<sup>3</sup> Aroɲ e tirificko wefuocte wiac kecziɲuc rorâ wefuzejec: Sâqocne tâtâmire tahare biɲe bulimakao motecnezi ɲicne moc â taha bâzire biɲe lama ɲicne moc, iɲuc rocjofarâ wefuzejec. <sup>4</sup> Ehuc ɲaqi maɲne â kike ɲaqi heme hume umbikazi basanaɲkerâ du kakambuc mâmâc heme huzejec. Wiac izi gie ɲaqi tirine ekac, i hâcne opâ ruarâ heme huzejec. <sup>5</sup> Erâ e Israe kikefuɲ jaɲeraonec noniɲ ɲicne jajahec sâqocne tâtâmire tahare biɲe rocjofahuc lama ɲicne moc taha bâzire biɲe rozejec.

6 “Eme Aron e jahacne â wiacfâc-ticne janere kiwirc roocte bulimakao i sâqocne tâtâmire tahare biñe râezejec. 7 Inuç erâ noniñ jajahec rocjofarâ Wofunçe maio tutumañ qoruc bozere motâcko râec-jofazejec. 8 Râec-jofarâ moc Wofunçe biñe â moc Azazele nemure biñe eocte qâsâi qazejec. 9 Erâ Wofunçe biñe âke fuaocmu i sâqocne tâtâmire tahare biñe râezejec. 10 Azazelere biñe âke fuaocmu i ine qâricne domahame Wofunçe maio râehuc kiwirc rorâ mâreñ burocnao Azazelerao ecneme razejec.

11 “Aron e bulimakao i e jahacne â wiacfâc-ticne janere kiwirc roocte sâqocne tâtâmire tahare biñe râezejec, ehuc e jahacnere wâc manasuhuc sâqocne tâtâmire tahare biñe qâhâmozejec. 12 Ehuc alata Wofunçe maio ñekac irecnec zoc kine gomba tâtâcko hezurâ hosâc âsure wiac uucne me jajahec fufusuc i ââketâc mañnao bafisizejec. 13 Erâ hâmozacte zoc zahuc fokac ira râeme hosâc âsure rombânzi qorac tapa katapa tapane sâckezejec. 14 Ehame bulimakao soc gâcne rorâ meticnezi qorac tapa katapa tapane mañfunnao â fainao tieme arec 7 ezejec.

15 “Eme irec faicnao sâqocne tâtâmire tahare biñe noniñ moc ñic janere erâ qâhâmozejec, ehuc socticne ââketâc râpenao bafisihuc bulimakao soc tiewec irec sâc jaha ehuc qorac tapa katapa tapane fainao â mañfunnao tiezejec. 16 E inuç ehuc Israe ñic jañe wâwânânheç â qaqatara erâ sâqocne-jeñic sasawazi tirific hegâpârembiñ i bâtirizejec. Jañe wâwânânheç juhapie tutumañ qoruc bozere manasuhuc inuç hâcne ezejec.



<sup>17</sup> Aron e jahacne me wiacfâc-ticne â Israe ñic jañere kiwiric roocte tirificko ferâ juhame ñic moczi tutumañ qoruc bozemañko moc mi juzejec.

<sup>18</sup> Kiwiric rome tarama waharâ Wofun̄te maio alata ñekac i bâtirizejec, ehuc noniñ bulimakao soc gâcne rorâ alata zuñene râreckehuc ruacnezejec. <sup>19</sup> Ehame meticnezi soc gâcne tieme arec 7 eha Israe ñic jañe alata hegâpârembiñ i zure qaqaçkehuc bâtirizejec.

<sup>20</sup> “Eme tirific â tutumañ qoruc boze erâ alata irec bâbâtiri gie bame tarama noniñ moc i tahare biñe qâricne râezejec. <sup>21</sup> Ehuc mejahec-ticne noniñ qizecnao râehuc Israe ñic ñokac jañere kiñ bahac â qaçatara erâ sâqocne mutaniñkezejec, ehuc noniñte faio mume feha ñic moc zawierâ jukac e hâcne soreme mâreñ burocnao jowa razejec. <sup>22</sup> Eme noniñ e kiñ bahac fainao râekicne i de âsic erâ mâreñ tuhu pectâcko fisime ñiczi soreme mâreñ burocnao ra juzejec.

<sup>23</sup> “Eme Aron e tirificko feocte ñaqi hewec i tutumañ qoruc bozeo ferâ hetara ira râeme fozejec. <sup>24</sup> Ehame fic mañne moc bâtirikicne ira opâ ruarâ gie ñaqi-ticne moc i heme hume waharâ e jahacne â ñic jañere biñe taha bâzi rikezejec, ehuc e jahacne â ñic jañere kiwiric rozejec. <sup>25</sup> Ehuc sâqocne tâtâmire tahare wokemañ i alatao rikezejec. <sup>26</sup> Eme noniñ Azazele nemurao jowac rawec ñic e ñaqi-ticne zurerâ e jahacne wâc opâ ruarâ teuñko razizejec. <sup>27</sup> Erâ socjekic bâbâtiri gie bazore tirificko bafekicne bulimakao â noniñ i jahere fâri hae râpenao bacjofa hunzepieñ, ehuc sahaç â biuc erâ hojekic zoçko

behepie zâtâ mirezejec. <sup>28</sup> Eme wiac i rikeocmu ñic e inuç jaha ñaқи-ticne zurerâ e jahacne wâc opâ ruarâ teuñko razizejec.

<sup>29</sup> “Eme dâñsanañ kecziñuc foñarehuc juzejec: Ñoñe mosa namba 7 irec 3oañ gie bapa 10 ira sowa juhuc ñañacne mecne â ñic jabane ñonden-ñeñicko juençopiñ jañe mecne gie moc mi banzepiñ. <sup>30</sup> 3oañ ira qaқackeniñte kiwirc ñowac rozo, ehame Wofuñte maio sâqocne tâmiric domanzepiñ. <sup>31</sup> 3oañ i sabata hombañ fekickne, irec erâ sowa junzepiñ; dâñ izi hâcne foñare rahuc juzejec. <sup>32</sup> Eme taha bapa mamac-ticnere âkehoc wokemañ ruacnekicne â mufiriekicne e tiri ñaқи heme hume tiri gie bazejec. <sup>33</sup> Ehuc furufic â tutumañ qoruc boze erâ alata bâtirihuc taha bapa âgofâcne erâ kikefuñ guru sasawa jañere kiwirc rozejec. <sup>34</sup> Israe ñic sâqocne-jeñicte erâ jara mocte mañnao arec wâñ kiwirc-jeñic rozo, dâñ izi hâcne dâñsanañ-ñeñic erâ foñare rahuc juzejec.” Eme Mose e Wofuñzi mutâcnecnewec irec sâc ewec.

## 17

### *Taha bapa gie i hae mocjahao sawa bapane*

<sup>1</sup> Eme Wofuñ e Mose ziñuc âzâcnecnewec: <sup>2</sup> “Go Aroñ â ñokâfâcne erâ Israe kikefuñ ziñuc jazazemec: Wofuñzi dâñ kecziñuc mutâcnecnewec: <sup>3</sup> Israe kikefuñkonec ñic moc e bulimakao me lama me noniñ hae mañnao me hae râpeo qâhâmorâ <sup>4</sup> Wofuñte tiri bozeo taha râeocte tutumañ qoruc bozere motâcko mi bafisiocmuo ine soc hoñkewec irec kiñ i ñic ere faio feme ñic âgofâcne jañere

guruonec bâsirowezo. <sup>5</sup> Israe ñic jañe taha bâzire qowi gieo qâhâmoc-jopaengopien i Wofun̄te biñe qahuc tutumañ qoruc bozere motâcko taha baparao bafisirâ ira wama bâzire biñe qâhâmorâ Wofun̄ taha bacnenzepien. <sup>6</sup> Ehame taha bapazi irec soc rorâ Wofun̄te alata tutumañ qoruc bozere motâcko ñekac ira tiezejec, ehuc wokemañ-jen̄ic ine zocko rikeme Wofun̄te maio âsu bianañ fuazejec. <sup>7</sup> Israe ñic jañe taha bâzire qowi-jen̄ic i nemu sâqocne kiñañ qajarengopien jañere biñe mocwâc mi qâhâmonzepien. Dâñ izi ñic gañne gañne fuarâ juniñmu sâc jañere dâñsanañ erâ fozejec.

<sup>8</sup> “Erâ ziñuc zuhuckerâ jazazemec: Israe kikefun̄ ñoñeraonec, me ñonden̄-ñen̄icko ñic jaba juengopien jañeraonec moczi qowi bâzi rikehuc <sup>9</sup> tutumañ qoruc bozere motâcko bafisirâ Wofun̄ taha mi bacneocmu ine ñic e âgofâcne jañere guruonec bâsirowezo.

<sup>10</sup> “Israe kikefun̄ ñoñeraonec me ñonden̄-ñen̄icko ñic jaba juengopien jañeraonec moczi soc nâocmu e ine râsi ecnehuc ñic âgofâc-ticne jañere guruonec bâsirowepemu. <sup>11</sup> Jujure tâpiri i socko fokac hâcne; eme no irec hâcne taha bapazi kiwiric-ñen̄ic rohuc alatao hon̄keocte mupo. Jujure tâpiri i socko fokacte taha bapazi iñuc ehuc kiwiric-ñen̄ic sâcne roocmu. <sup>12</sup> No irec hâcne Israe ñic kecziñuc jazapo: Ñoñeraonec me ñonden̄-ñen̄icko ñic jaba juengopien jañeraonec moczi soc mi nâzejec. <sup>13</sup> Israe ñic ñoñeraonec me ñonden̄-ñen̄icko ñic jaba juengopien jañeraonec moczi wosañeñ gie

bahuc qowi nânâne moc roocmu e socticne mâreŋko honkerâ rufezi hemackezejec.

<sup>14</sup> “Wiac jujune sasawa jaŋere tâpiri i socko fokac; eme no irec hâcne Israe ɲic zɲɲuc jazapo: Wiac jujune sasawa jaŋere tâpiri i socko fokacte wiac i jaŋere soc moc mi nânzepieŋ. Moc e sifu nâocmuzi mi juzejec. <sup>15</sup> Â mâreŋ rune me ɲic jabane moczi qowi e jahac hâmoekac me qowi gâcne jaŋe ki sipiric ecnepie hâmoekac i nâocmuzi ɲaqi-ticne zurerâ e jahacne wâc opâ ruarâ wâwânâŋhec jaha juha hae ɲafezejec. Hae ɲafeme ine qaqačkezejec. <sup>16</sup> Me ɲaqi wiac-ticne mi zurehuc opâ mi ruaocmu ine kin hureocmu.”

## 18

### *Wiac mamakâcne mi eniŋte muac-jopakicne*

<sup>1</sup> Eme Wofuŋzi Mose zɲɲuc âzâcnewec: <sup>2</sup> “Go Israe ɲic kecziŋuc jazazemec: No Wofuŋ ɲoŋere Anutu. <sup>3</sup> Ɗoŋe Aigita mâreŋko juhuc Aigita ɲic jaŋe wiac ebac epie hone jumbieŋ irec sâc mi enzepieŋ, â Kanaan mâreŋko jowac-ɲopape razirâ, mâreŋ rune jaŋe wiac ebac eengopieŋ irec sâc wâc mi enzepieŋ. Ɗoŋe jaŋere dâŋsanante sâcko mi junzepieŋ. <sup>4</sup> Aricne, ɲoŋe nore mumutâc dâŋ â dâŋsanŋ mana rereŋ ehuc irec sâcko junzepieŋ. No hâcne Wofuŋ ɲoŋere Anutu. <sup>5</sup> Ɗoŋe irec hâcne dâŋsanŋ â mumutâc dâŋnane reŋkehuc bâjâpenzepieŋ, ine hâcne, moc e bâjâpehuc reŋkeocmuzi juju bâfuaocmu. No Wofuŋ jukopac hâcne.

<sup>6</sup> “Ɗoŋeraonec moc e soctofafâc-ticne bâsâqorec-jopaocce mi fua-jarezejec. No Wofuŋ

jukopac hâcne. <sup>7</sup> Go neŋgocge bâsâqorehuc mamacge mimi qaqa mi ecnezemec, e hâcne neŋgocge jukacte mimi fainao mi râezemec. <sup>8</sup> Go neŋgocge bâsâqorehuc mimi qaqa mi ecnezemec. <sup>9</sup> Go mamacgere me neŋgocgere otâ, seŋge hâcne, soctofage me seŋocge bâsâqorehuc mimi qaqa mi ecnezemec. <sup>10</sup> Go ŋosage mi bâsâqorezemec, gahacne faio mimi fezacte iŋuc mi ezemec. <sup>11</sup> Go neŋgocgere otâ, mamacgezi bâfuawec e mi bâsâqorezemec, e seŋge jaha, irec mimi qaqa mi ecnezemec. <sup>12</sup> Go neŋgoc piticge mi bâsâqorezemec, e mamacgere soctofa hâcne. <sup>13</sup> Go neŋgoc piticge mi bâsâqorezemec, e neŋgocgere soctofa hâcne. <sup>14</sup> Mamac jahecege hahac qa jahere ŋokac mi bâsâqorec-jofazemec, jahe neŋgoc jahecege jaha. <sup>15</sup> Go joŋaoge mi bâsâqorezemec, e hâcne ŋokâgere ŋokac, irec e mimi qaqa mi ecnezemec. <sup>16</sup> Go qozige mi bâsâqorezemec, hahacge mimi qaqa ecnezicte. <sup>17</sup> Go ŋokac moc â naru-ticne mi bâsâqorec-jofazemec, me joŋao-ticne me ŋosa-ticne jahe wâc mi bâsâqorec-jofazemec, jahe soctofa jahec-ticne, irec jahehec sâqocne bapa i wiac hâhâtâne. <sup>18</sup> Go ŋonâŋge juhame qoticne mamare bajuhuc mi bâsâqorezemec.

<sup>19</sup> “Go ŋokac moc mosa damen-ticne maick-eha bâsâqorecmurâ mi fuacnezemec. <sup>20</sup> Go ŋic âgogere ŋokac bâsâqorehuc wâwânâŋhec mi ezemec. <sup>21</sup> Go naru motecfâcge Moleke nemure biŋe râec-jopahuc Anuture zâŋe mi sipirickezemec. No Wofuŋ jukopac hâcne. <sup>22</sup> Ŋokac jaŋehhec foŋgopien irec sâc ŋic jaŋehhec mi fozemec, iŋuc

etec wiac mamakâcne eocmu. <sup>23</sup> Go qowi moc bâsâqorehuc wâwânânheh mi ezemec; â ñokac moczi qowi ñicnehec sasec gie mi bazejec, ñuc eme wiac mamakâcne jâmbân eocmu.

<sup>24</sup> “Go wiac mukicne sasawa i ebac ehuc wâwânânheh mi ezemec; no ñoñere maio qâpuc ñic gurune gurune jâpec-jopape wisengopien jañe hâcne wiac ñucne ebac ehuc wâwânânheh embiñ.

<sup>25</sup> Jañe ñuc epie mâreñ-jeñiczi wâwânânheh ewec; eme no kinjenicte erâ okacne bazu-jarepe mâreñ-jeñic tuhutac fuawec.

<sup>26</sup> Ñoñe ine dânsanañ â mumutâc dânñane reñkerâ bâjâpehuc wiac mamakâcne keci moc mi enzepien, mâreñ rune ñoñe mecne â ñic jabane ñonden-ñeñicko juengopien jañe mecne.

<sup>27</sup> (Ñic mârâc jaha mâreñ zi rauckerâ jumbiñ jañe hâcne wiac i ebac epie mâreñ i wâwânânheh ewec.)

<sup>28</sup> Ñoñe ñuc epie mâreñzi mârâc jaha tuhutac fuarâ fowec irec sâc fuaocmu. <sup>29</sup> Ñic izi me izi wiac mamakâcne keci moc ebac eocmu e ñic âgofâc-ticne jañere ñondenkonec bâsirowezo.

<sup>30</sup> Irec ñoñe mumutâc dânñane mana reren ehuc wiac mamakâcne mârâc jaha ejumbien i ebac ehuc wâwânânheh mi enzepien. No Wofuñ ñoñere Anutu hâcne.”

## 19

### *Tiri â tiñe juju irec mumutâc dân gâcne*

<sup>1</sup> Eme Wofuñzi Mose ziñuc âzâcnewec: <sup>2</sup> “Go Israe kikefuñ sasawa kecziñuc jazazemec: Wofuñ Anutu-ñeñic no tiri jukopacte ñoñe tiri jaha junzepien. <sup>3</sup> Ñoñe sasawa neñgoc

mamacfâc-ŋeŋic sâsec-jopanzeŋieŋ, erâ sabata hombaŋ-nanere manapie tirine ezejec. No Wofuŋ ŋoŋere Anutu hâcne. <sup>4</sup> Ŋoŋe nemuqâŋ jaŋerao mi qohotanzeŋieŋ, ehuc qâŋ qâqâtâc wâc mi banzeŋieŋ. No Wofuŋ ŋoŋere Anutu hâcne.

<sup>5</sup> “Ŋoŋe wama bâzi rikezo murâ ine mutât dâŋte sâcko rikepie Wofuŋzi mana-ŋareme biankezejec. <sup>6</sup> Wama bâzi rikeninmu i zoaŋ ijaha me hae fureme nânzeŋieŋ; â tiwâne foha zoaŋ jahec â moc eocmuo ine zocko râepie zazejec. <sup>7</sup> Me zoaŋ jahec â moc eha sifu nâninmuo ine wiac mamakâcne eme Wofuŋzi mana-ŋareme mi biankeocmu. <sup>8</sup> Moc e wiac i eocmuzi kiŋ hureocmu, e Wofuŋte wiac tirine irec maname wawahane ewecte. Ŋic inucne e âgofâcne jaŋere ŋondeŋkonec bâsirowezo.

<sup>9</sup> “Ŋoŋe padi wiac qa roro ehuc gie qaŋeŋnao doma rakac i mi rofârenzeŋieŋ; â kisceŋe doma raocmu i wâc mi unucke-fârenzeŋieŋ. <sup>10</sup> Waiŋ hândâŋe i inuc jaha furu mi bâtâcne-fârenzeŋieŋ, â mâreŋko waharâ fokac i wâc mi nusehuc ŋic hapetac â jabane jaŋere biŋe behepie fozejec. No Wofuŋ ŋoŋere Anutu hâcne.

<sup>11</sup> “Ŋoŋe fiuc mi ronzeŋieŋ â eeatuc ehuc burec eec wâc mi enzeŋieŋ. <sup>12</sup> Ŋoŋe nore zâŋeo qetickerâ mumupaŋ dâŋ burecne ehuc zâŋe-nane mi bawahanzeŋieŋ. No hâcne Wofuŋ jukopac.

<sup>13</sup> “Ŋoŋe ŋic âgofâc-ŋeŋic bâzâic-jopahuc mafa wiac-jeŋic mi jowac ronzeŋieŋ. Kiŋaŋŋicfâc-jeŋic jaŋere gie furi i bajuhapie hae mi furezejec. <sup>14</sup> Ŋoŋe ŋic nâŋguŋe mi

sâwec-jopanžepieŋ; â tinteŋ jaŋere hata i aka mi henžepieŋ, ehuc Anutu-ŋeŋic ine araŋ bacnenžepieŋ. No Wofuŋ jukopac hâcne.

<sup>15</sup> “Ŋoŋe ŋic dânjeŋic mutarahuc mi musifuckenžepieŋ, ehuc ŋic waha qaŋane araŋ mi bajarenžepieŋ, â ŋic fekicne jaŋe wâc mi sâsec-jopanžepieŋ, aricne, ŋoŋe ŋic âgofâc-ŋeŋic jaŋere dân i sâcmutâc dânte sâcko mutara-jarenžepieŋ. <sup>16</sup> Ŋoŋe ŋic âgofâc-ŋeŋic micko âkec mi ejarenžepieŋ â jaŋere dângie bahuc juju-jeŋic ba ima ezo mi munžepieŋ. No Wofuŋ jukopac hâcne.

<sup>17</sup> “Ŋoŋe qomâfâc-ŋeŋic mi qaisoc-jopanžepieŋ, ŋoŋe jaŋere erâ kiŋ hurenžipiŋte juju â eebapa-jeŋic mutiŋnenžepieŋ. <sup>18</sup> Ŋoŋe okac babazu gie bahuc âgofâc-ŋeŋic jaŋere kiŋ mi bajunžepieŋ; ŋoŋe ŋaŋacnere eŋareekac sâc ijaha âgofâc-ŋeŋic jaŋere eŋarezejec. No Wofuŋ jukopac hâcne.

<sup>19</sup> “Ŋoŋe dânšanaŋ-nane mana rerenžepieŋ. Bulimakaofâc-ŋeŋic jaŋe bulimakao fuŋne fuŋne jaŋehac sisifuc erâ mi junžepieŋ. Ŋoŋe wiac ukicne jajahec gie-ŋeŋicko mi tienžepieŋ, â ŋaŋi wiac-ŋeŋic i qoruc hawarine jajaheczi bakicne mi rojunžepieŋ.

<sup>20</sup> “Ŋic moc e kiŋaŋ naru moc ŋic mocte biŋe qakicne e kiwiric-ticne ropie rambaŋko mi juha bâsâqoreocmu ine dângie fuazejec. Naru e rambaŋko mi juwecte mi qâhâmoc-jofazo. <sup>21</sup> Ŋic e kiŋ tatara taha Wofuŋ râcnezejec, ine lama ŋicne moc kiŋ tatara tahare biŋe tutumaŋ qoruc bozere motâcko hâcne râezejec. <sup>22</sup> Eme taha bapa e



Wofuņte maio lama ņicne i kiņ tatara tahare biņe r ehuc kiwiric-ticne rozejec, eme s aqocne bawec i b t mirecnezo.

<sup>23</sup> “Ņoņe m areņ biņe qaņarekicne ira fisir  j c fuņne fuņne sarapie f arine fuame mi n huc juhapie jara jahec   moc tarazejec. Iņuc juhuc manapie muac-n pokicne ezejec. <sup>24</sup> Eme jara namba 4 ira f arine fuaocmu i Wofuņ zeri mumuteņ ecnehuc daņge taha r ecnenzepieņ. <sup>25</sup> Jara 5 ira ine n  bac epie m riri s ko fua-ņarezejec. No Wofuņ ņoņere Anutu h cne.

<sup>26</sup> “Ņoņe qowi biuc socnehec mi n nzepieņ, ehuc faņfaņd ņ muhuc qaņgec mi banzepieņ. <sup>27</sup> Ņoņe naki-ņeņic ņifec   ņifec susucne mi hezunzepieņ,   mecz w -ņeņic tofane w c mi b t cnenzepieņ. <sup>28</sup> H moc fuame bus qocte sahac-ņeņic mi het cnenzepieņ,   soq reņ w c mi banzepieņ. No Wofuņ jukopac h cne.

<sup>29</sup> “Go ot ge bawahahuc sasec giere mi qikiņnezemec, iņuc etec sau gie   hehesiczi m reņ mi s ckezejec. <sup>30</sup> Ņoņe sabata hombaņ-nanere manapie tirine eha furufic-nane araņ bacnenzepieņ. No Wofuņ jukopac h cne.

<sup>31</sup> “Ņoņe bawe me faņfaņ wiac maic-jopar  jaņerao qohotahuc w w n ņhec mi enzepieņ. No Wofuņ ņoņere Anutu h cne.

<sup>32</sup> “Ņoņe ņic jaņq ņhec jaņerao faharenzepieņ, ehuc ņicraņqa jaņe s sec-jopanzepieņ,   Anutu-ņeņic araņ bacnenzepieņ. No Wofuņ jukopac h cne.

<sup>33</sup> “Ņic jabane moc e ņonden-ņeņicko juhame mi b z ickenzepieņ. <sup>34</sup> Aricne, ere manapie

mâreŋ rune tinac eha ŋoŋe ŋaŋacnere eŋareekac sâc ijaha ere eŋarezejec. Ŋoŋe Aigita mâreŋko jaba jaha jumbiŋte inuc enzeŋepieŋ. No Wofuŋ ŋoŋere Anutu hâcne.

<sup>35</sup> “Ŋoŋe ŋic dânjeŋic mutarahuc mi musifuckenzeŋepieŋ, â sâcmeta me sigelire bâbâsifuc wâc mi bâfuanzeŋepieŋ. <sup>36</sup> Ŋoŋe sigeli me ŋemâc me oto me fifia râqâc wiac-ŋeŋic i sâc mocjaha foŋarezejec. No Wofuŋ ŋoŋere Anutu, noni hâcne Aigita mâreŋkonec jowac-ŋopa wefupo. <sup>37</sup> Irec ŋoŋe dânsanarŋ â mumutâc dânnane mana reren efârenzeŋepieŋ. No Wofuŋ jukopac hâcne.”

## 20

### *Wofuŋte dân qatarapie okacne fisi-jareocmu*

<sup>1</sup> Eme Wofuŋzi Mose ziŋuc âzâcnewec: <sup>2</sup> “Go Israe ŋic kecziŋuc jazazemec: Israe ŋic ŋoŋeraonec moc me ŋonden-ŋeŋicko ŋic jabane juengopieŋ jaŋeraonec moczi naru motecfâc-ticne Moleke nemure biŋe qaocmu e hâmozejec, mâreŋ rune jaŋe hâcne qânâzi hehâmonzeŋepieŋ. <sup>3</sup> Ŋic e naru motecfâc-ticne jaŋeraonec moc Molekere biŋe qahuc furufic-nane wâwânârŋ ecnerâ zâŋe-nane bawahawecte râsi ecnehuc ŋicfâc-ticne jaŋere guruonec bâsirowepemu. <sup>4</sup> Ŋic moc e motec me naru-ticne Molekere biŋe qame ŋic jaŋe hone bipiehuc mi qâhâmoniŋmuo <sup>5</sup> ine ŋic e mecne â wiacfâc-ticne jaŋe râsi ejarehuc gurufâc-jeŋic jaŋere ŋondenkonec bâsirowec-jopapemu, e jahacne â e bâjâpehuc Moleke nemu aran bacneengopieŋ jaŋe inuc hâcne ejarepemu.

<sup>6</sup> “Nïc moc e bawe me fanfan wiac maic-joparâ janërao qohotaocmu e râsi ecnehuc ñicfâc-ticne janëre ñondenkonëc bâsirowepemu. <sup>7</sup> Nõje juju-ñëñic bâtirihuc pectâc junzepien, no Wofun Anutu-ñëñic hâcne. <sup>8</sup> Nõje dânsanãñ-nane bajúhuc mana reren enzepien, Wofun noni hâcne bâtiric-ñopakopac. <sup>9</sup> Irec moc e neñgoc mamac jahec-ticne sâwec-jofaocmu e hâmozejec, e neñgoc mamac jahec-ticne sâwec-jofawecte kiñticnere okacne fisicnezejec.

<sup>10</sup> “Nïc moc e âgo-ticnere ñonânhec sau gie banicmuo ine ñic mecne ñokac mecne mâmâc qâhâmoc-jofazo. <sup>11</sup> Nïc moc e neñgococ-ticne bâsâqorehuc mamac-ticne mimi qaqa ecneocmu, irec e mecne â neñgococ-ticne mâmâc qâhâmoc-jofazo, jahe okacne fua-jactezejec. <sup>12</sup> Me ñic moc e joñao-ticne bâsâqoreocmuo ine jahe mâmâc jaha qâhâmoc-jofazo, jahe wâwânânhec epicte okacne fua-jactezejec. <sup>13</sup> Me ñic moc e ñokac janëhec foëngopien irec sâc ñic mohec focmu ine jahe wiac mamakâcne epicte qâhâmoc-jofazo, jahe okacne fisi-jactezejec. <sup>14</sup> Me ñic moc e ñokac moc â neñgoc-ticne rocjofame wiac hehesicne eocmu, irec janë mâmâc zoczi zacjopame ñonden-ñëñicko hehesiczi omaezejec. <sup>15</sup> Me ñic moczi qowi mohec focmu ine ñic mecne qowi mecne mâmâc qâhâmoc-jofazo. <sup>16</sup> Me ñokac moczi qowi i me i moc maickerâ ehëc focmuo ine ñokac mecne qowi mecne mâmâc qâhâmoc-jofazo, jahe okacne fua-jactezejec.

<sup>17</sup> “Nïc moc e señoc-ticne, mamac-ticnere otâ me neñgoc-ticnere otâ hâcne, ehëc mamanc

ehuc sasec gie bapire wiac miminehec eocmu, irec jahe gurufâc-jekic jañere ñondenƙonec bâsirowec-jofazo. Njic e señticne bâsâqorewecte ƙiñticnere okacne fuacnezejec. <sup>18</sup> Me njic moc e ñokac moc mosa huc damen-ñicne maickeha bâsâqoreocmuo ine jahe mâmâc jaha ñokac soc roro-ñicnere fuñne bajanğenƙenicmu, irec jahe gurufâc-jekic jañere ñondenƙonec bâsirowec-jofazo. <sup>19</sup> Go neñgocgere qo me mamacgere señ mi bâsâqorec-jofazemec. Go inuc etec soctofa jahecge bâsâqorec-jofakic eocmu. Irec ƙiññenjicte okacne fua-ñareocmu. <sup>20</sup> Me njic moc e woki-ñicne bâsâqoreocmuo ine wawa-ñicne mimi qaqa ecneocmu, irec njic e â woki-ñicne jahe sâqocne-jekicte okacne hufiñne erâ juku hâmozepirec. <sup>21</sup> Me njic moc e qozi-ñicne bâsâqoreme wiac gâgâpâcne eocmu, ehuc hahac-ñicne mimi qaqa ecneocmu; irec jahe hufiñne erâ juzepirec.

<sup>22</sup> “Ñoñe irec hâcne dâñsananğ â mumutâc dâñnane sasawa i bajuhuc mana rerenğ efârenzepienğ, ehame mârenğ qikiñne-ñarepe ñec juc eniñmu izi râsi mi enjarezejec. <sup>23</sup> Njic njic gurune gurune mai-ñenjicko jâpe bâsuec ejarekopac jañere hata mi âtenzepienğ, jañe hâcne wiac i sasawa efârepie honec-joparâ mamakâcnuwec. <sup>24</sup> Njic ine dâñ zinuc muhuc mupañke-ñarepo: ‘Ñoñe jañere mârenğ susu â bañac fusucmarâ qâmbâriñkeekac i hâcne ro rauc epie ñoñere biñe ezejec.’ No Wofuñ ñoñere Anutu, noni hâcne njic gurune gurune jañere ñondenƙonec rowosâec-ñopapo. <sup>25</sup> Njic irec

hâcne wipe qowi wâwânânheç â wâwânân tâmiric hone râwiņ-jopanzepeņ. No wipe qowi me mâreņko wiac babarâ juenġopieņ jaņe biac bâtâc bacjopapore nâcjopahuc me ba bâuac ejarehuc wâwânânheç mi enzepeņ. <sup>26</sup> No Wofuņ tirine jukopacte ñoņe iņuc jaha nore maio tiri jaha junzepeņ. Ñoņe nore biņe erâ juniņte ñic ġâcne jaņere ñondenġkonec rowosâec-ņopapo.

<sup>27</sup> “Ñic me ñokac moc e bawe me fanfan wira hefârec ejareocmu e hâmocte biņe ezejec. Ñic iņucne jaņe hâcne qânâzi hehâmoc-jopanzepeņ. Jaņe kinjenicte okacne fisi-jarezejec.”

## 21

### *Taha bapa jaņe ñic tirine junzepeņ*

<sup>1</sup> Eme Wofuņzi Mose ziņuc âzâcnewec: “Go Aronțe ñokâfâc taha bapa juņġopieņ jaņe kecziņuc jazazemec: Taha bapa ñoņe ñic âġofâc-ņeņic jaņeraonec moczi hâmome qânqân-țicne ba bâuac ehuc wâwânânheç mi enzepeņ. <sup>2</sup> Â soctofafâc-ņeņic, neņġoc

mamac me naru motec me hahac qafâc-ņeņic jaņe hâmopie ine ba bâuac sâcne ejarenijmu.

<sup>3</sup> Erâ seņ qofâc-ņeņic zeņoņne ñic tâmiriczi maņfuņ-ņeņicko juņġopieņ jaņe hâmopie wâc sâcne ba bâuac ejarenijmu. <sup>4</sup> Ñoņe

mamac-ņeņicte soctofafâc jaņere ñondenġko juhuc ñokac moc ñicheç erao sâqorerâ wâwânânheç mi enzepeņ. <sup>5</sup> Ñoņe qizec

susuc-ņeņic rohuc utu pârâc mi enzepeņ, erâ meczâwâ-ņeņic tofane mi bâtâcnenzepeņ.

<sup>6</sup> Ñoņe Anuture maio tirine juhuc zâņe-țicne

mi sipirickenzepien. Noņe Wofuņte taha bâzi, Anuture nânâ hâcne, i rikeņgopieņte tirine erâ junzepien. <sup>7</sup> Taha bapa jaņe sasec ņokac me ņokac wâwânâņhec moc mi rocjopanzepien, erâ ņokac zuhuc bâtâc ekicne wâc mi rocjopanzepien; taha bapa jaņe Anutu nore maio ņic tirine juņgopieņte iņuc mi enzepien. <sup>8</sup> Jaņe Anutu no taha bâzi rike-nareņgopieņte jaņere manatec tirine juņgopien ezejec; Wofuņ no bâtiric-ņopahuc tiri jukopacte jaņere manatec tirine jaha juņgopien ezejec. <sup>9</sup> Ehamē taha bapa mocte otâzi sasec gie barâ juju-ticne sipirickehuc mamac-ticnere zâņe biņe bawahaocmu; irec e zocko rikenzepien.

<sup>10</sup> “Taha bapa micne wokemaņ ruacnehuc gie ņaqi tirine rojuocte mufiriekicne e busâqocte erâ qizec susuc-ticne beheme mi zorazejec, â ņaqi wiac-ticne mi bâsuckezejec. <sup>11</sup> Ehuc neņgoc mamac jahec-ticne me ņic mocte qâņqâņ fokacko razirâ wâwânâņhec mi ezejec. <sup>12</sup> E Anuture tiri wokemaņ ruacnekicnere furufick-onec mi wahazejec, â Anutu-ticnere furufic i wâwânâņ mi ecnezejec. No hâcne Wofuņ jukopac. <sup>13</sup> E ņokac bazo murâ ine ņokac zeņoņ rozejec. <sup>14</sup> E hozec me zuhuc bâtâc ekicne me ņokac wâwânâņhec me sasec ņokac, ņokac iņucne moc mi rozejec, aricne, e ņicfâc-ticne jaņeraonec ņokac zeņoņ moc rozejec hâcne. <sup>15</sup> E iņuc ehuc ņicfâc-ticne jaņere ņondenkonec naru motecfâc-ticne mi bawahac-jopazejec. Wofuņ noni hâcne e bâtirikopac.”

<sup>16</sup> Wofuņzi Mose ziņuc âzâcnewec: <sup>17</sup> “Go Aroņ kecziņuc âzâcnezemec: Qâricfâcge gaņne

gaņne jufeniņmu jaņeraonec moczi saħac fâsâc mi juocmu e Wofuņ taha bâzi rikecneocte mi maickezejec. <sup>18</sup> Ņic kecziņucne jaņe hâcne mi maickenzepiņ: Tiņtuņ me zeke puriņ, me zâņe mai-jeņic sâqorekicne, me tuturuņ-jeņic tarakicne, <sup>19</sup> me mekike-jeņic herickekicne, <sup>20</sup> me râpe kumbeņ-jeņichec, me ņic bembene, me zâņe-jeņic hâpokicne, me wic piic piic â korehec, me biņjeņic bakicne. <sup>21</sup> Taha bapa Aroņ ere qâricfâc jaņeraonec moc saħac fâsâc mi juocmu e Wofuņ taha bâzi rikecneocte mi maickezejec. E saħac fâsâc mi jukacte iņuc hâcne ezejec. <sup>22</sup> E taha bâzi bâtirikicne â tiri jâmbâņ Wofuņte biņe qakicne i nâzo murâ sâcne nâocmu, <sup>23</sup> mâc saħac fâsâc mi juhuc tirific-nane bawahazacte ine ââketâc me alata mi maickezejec; Wofuņ noni hâcne bâtirikopac.” <sup>24</sup> Eme Mose e dâņ i hâcne Aroņ â ņokâfâcne erâ Israe ņic sasawa jaza-fârewec.

## 22

### *Taha wiacte manapie tirine ezejec*

<sup>1</sup> Eme Wofuņzi zuhuckerâ Mose ziņuc âzâcnewec: <sup>2</sup> “Go Aroņ â ņokâfâcne jaņe tiri zâņe-nane bawahanziņte Israe ņic jaņe tiri taha nore biņe qahuc râeņgopieņ i moc mi maickeniņte jazazemec, no hâcne Wofuņ jukopac. <sup>3</sup> Erâ ziņuc jazazemec: Qâricfâcge gaņne gaņne jufeniņmu jaņeraonec moczi Israe ņic jaņe tiri taha wiac Wofuņte biņe qahuc râeniņmu i wâwânâņhec juhuc maickeocmu e mai-naneonec bâsirowezo, no hâcne Wofuņ jukopac. <sup>4</sup> Aroņte

qâricfâc jaŋeraonec moczi wicsanaŋhec me sa hac opâ-ticne wâwânâŋheczi tiri taha moc mi nânâ mâc juhuc qaqačkezejec. Njic moc e, wiac moczi me njic moczi qâŋqâŋ heuawec i ba bâuac eocmu, me wie gorewac-ticne hoŋkeocmu <sup>5</sup> me wiac babarâ juenŋopieŋ jaŋe ba bâuac ejareocmu, me njic moc wâwânâŋ-ticne i me i he heuac eocmu e wâwânâŋhec jaha eocmu. <sup>6</sup> Wiac injucne hâcne ba bâuac eocmu njic e wâwânâŋhec erâ juha hae ŋafezejec, ehame tiri taha wiac moc mi nânâ qanaŋ opâ ruazejec. <sup>7</sup> Izi zoaŋ hume qaqačkezejec. Eme faicnao tiri taha wiac izi nânâ-ticne ekacte sâcne nâzejec. <sup>8</sup> Qowi e jahac hâmoekac me qowi gâcnezi ki qâsuc ecneenŋopieŋ i wâc wâwânâŋhec ekacte mi nâzejec, no Wofuŋ jukopac hâcne. <sup>9</sup> Jaŋe qaqatara bâfuahuc kiŋhec erâ hâmonzi piŋte mumutâc dânane mana rereŋ enze pieŋ. Wofuŋ noni hâcne bâtiric-jopakopac.

<sup>10</sup> “Njic furunezi nânâ bâtirikicne moc mi nâzejec. Me njic moczi taha bapa njicmanac fisicneocmu, me taha bapare kiŋaŋnjic jabane, jahe wâc nânâ bâtirikicne mi nâzepirec. <sup>11</sup> Taha bapa kiŋaŋnjic-ticne moneŋzi furine bakicne e me ficticnao fuambiŋ jaŋe ine sâcne nâniŋmu. <sup>12</sup> Taha bapa otâ-ticnezi njic furune moc baocmu e wâc injuc jaha taha bâtirikicne mi nâzejec. <sup>13</sup> Mâc otâ-ticne moczi hozec me zuhuc bâtâc erâ naru motec tâmiric juhuc mârâc naru-ticnao juwec irec sâc mamac-ticnere ficko risierâ juocmu eki ine mamac-ticnere nânâ sâcne nâocmu; njic furunezi ine mi nâzejec. <sup>14</sup> Me njic moczi fuŋne mi mana tarahuc nânâ bâtirikicne nâocmu e



irec okacne râehuc zuhuckerâ moner 5-konec wâŋ bâfuarâ taha bapa râcnezejec. <sup>15</sup> Israe ȋic jaŋe Wofunȋe tiri taha râeŋgopier ȋi taha bapa jaŋe mi bâsifuckenzepier. <sup>16</sup> Jaŋe iȋuc epie Israe ȋic jaŋe nânâ bâtirikicne ȋi nâhuc kiȋ bahac bâfuanȋipierȋe iȋuc mi enȋepier. Wofunȋ noni hâcne bâtiric-jopakopac.”

<sup>17</sup> Eme Wofunȋi Mose kecȋiȋuc âzâcnewec:  
<sup>18</sup> “Go Aroȋ â ȋokâfâcne erâ Israe ȋic sasawa ȋiȋuc jazazemec: Israe kikefunȋ me ȋondenȋ-ȋeȋicko ȋic jabane juenȋgopier jaȋeraonec mocȋi mumupaȋ-ticnere manasuhuc taha râeocmu, me buafec faio taha râehuc Wofunȋ rikecneocmu <sup>19</sup> e bulimakao me lama me noniȋ ȋicne biaȋne moc râeme Wofunȋi manacneme biaȋkezejec. <sup>20</sup> Ƞoȋe qowi repicne mi râenzepier, qowi iȋucnere Wofunȋi mana-ȋareme mi biaȋkeocmu. <sup>21</sup> Ƞoȋeraonec mocȋi mumupaȋ-ticnere manasuhuc me buafec faio Wofunȋ wama bâzi moc rikecnezo murâ ine qowi biaȋne â bahac fâsâc moc rikecnezejec. <sup>22</sup> Qowi zâȋe-ȋeȋic hâpokicne me tuturuȋ-ȋeȋic tarakicne me wichec me sahaȋ opâ-ȋeȋic wahaekac me korehec, iȋucne Wofunȋe taha râehuc alatao mi rikenzepier. <sup>23</sup> Bulimakao me lama me kike-ȋeȋic herickekicne jaŋe buafec faio taha râezo murâ râenzepier, mâc mumupaȋ-ȋeȋicȋe manasuhuc qowi iȋucne râepie mi sâckeocmu. <sup>24</sup> Qowi moc biȋticne bâropiekicne me kijacnekicne me bâpârâckekicne me bakicne ȋi mâreȋ-ȋeȋicko juhuc Wofunȋe taha mi râenzepier. <sup>25</sup> Erâ qowi iȋucne ȋic

gurune gurune jaŋeraonec rorâ Anutu taha mi bacnenzepien. E qowi puriŋne inucne tahare râepie mana-ŋareme mi biankeocmu.”

<sup>26</sup> Eme Wofunzi Mose kecziŋuc âzâcnewec:  
<sup>27</sup> “Bulimakao me lama me noniŋ motecne moc fuarâ neŋgocnehec juhame zoaŋ gie bapa 7 tarazejec. Eme zoaŋ gie bapa 8 ira funkerâ jufehuc taha rârâere sâc eme alatao rikepie Wofunzi maname biankeocmu. <sup>28</sup> Bulimakao me lama neŋgocne jahe motecnehec zoaŋ ijaha mi qâhâmoc-jopanzepien. <sup>29</sup> Nŋe Wofun danje taha moc râcnezo murâ ine Wofunzi maname biankeocte manasuhuc râenzepien. <sup>30</sup> Nŋe taha i zoaŋ ijaha nâfârenzepien, tiwâne moc râepie foha hae mi furezejec. No Wofun jukopac hâcne.

“Nŋe inuc ehuc sâcmutâc dânane renkenzepien. <sup>31</sup> No Wofun jukopac hâcne. <sup>32</sup> Ehame tiri zâŋe-nane mi bawahanzepien, aricne, Israe ŋic nŋe nore manapie tiri jukopac ezejec, noni hâcne bâtiric-ŋopakopac. <sup>33</sup> Erâ nonizia Anutu-ŋenji jupemurâ Aigita mârenkonec jowac-ŋopa wefupo. No Wofun jukopac hâcne.”

## 23

### *Hombâŋ fuŋne fuŋne irec sâcmutâc dân* *(3ar 28:16–29:40)*

<sup>1</sup> Wofunzi Mose kecziŋuc âzâcnewec: <sup>2</sup> “Go Israe ŋic ziŋuc jazazemec: Nŋe Wofunte hombaŋ kecziŋuc mukicnezi tutumaŋ hombaŋ eocte musokanzepien. <sup>3</sup> Nŋe zoaŋ gie bapa 6 gie

banzepien, zoaŋ gie bapa 7 izi ine hombaŋ ezejec, ehame tutumaŋ tirine enzepien. Noŋe ira gie moc mi banzepien, aricne, zoaŋ izi ŋeŋe juju eraniŋmu sâc Wofuŋte sabata hombaŋ ezejec. <sup>4</sup> Wofuŋte hombaŋ, tiri tutumaŋ hâcne kecziŋuc fokac i damaŋ mukicne ira musokahuc ŋenzepien; <sup>5</sup> Mosa wâŋ irec zoaŋ gie bapa 14 owâcne Wofuŋte aakic hombaŋ maickeocmu. <sup>6</sup> Eme mosa irec zoaŋ gie bapa 15 ira ine Wofuŋte manasuhuc poroŋ goreŋ tâmiric nânâ irec hombaŋ ŋenzepien, ŋoŋe damaŋ ira fuŋkerâ nânâ poroŋ goreŋ tâmiric nâhuc juhapie zoaŋ gie bapa 7 tarazejec. <sup>7</sup> Zoaŋ ira tiri tutumaŋ moc ehuc gie moc mi banzepien. <sup>8</sup> Erâ Wofuŋ alatao bâzi rikenehuc juhapie zoaŋ gie bapa 7 ira ine mocwâc tiri tutumaŋ ehuc gie moc mi banzepien.”

<sup>9</sup> Wofuŋzi Mose kecziŋuc âzâcnewec: <sup>10</sup> “Go Israe ŋic ziŋuc jazazemec: Noŋe mâreŋ ŋarepemu ira fisirâ nânâ nânâsu damaŋ maickeme nânâ gieonec fuŋkerâ rohuc taha baparao râenzepien. <sup>11</sup> Eme sabata hombaŋ ŋerâ irec faicnao Wofuŋte maio fenzoŋkeme Wofuŋzi mana-ŋareme biankezejec. <sup>12</sup> Fenzoŋkeocmu zoaŋ ira ŋoŋe lama ŋicne bianŋe moc Wofuŋ bâzi rikencenzepien. <sup>13</sup> Ehuc taha bâzire biŋe wiac kecziŋuc zuhuckerâ Wofuŋ rikecnepie âsu bian fuazejec: Poroŋ uucne wokemaŋhec bâsifuckekicne oto mocjahaonec teŋkonec jajahec â waiŋzi taha bâzi ine fifia râqâckonec nâfocne 4 irec sâc zuhuckenzepien. <sup>14</sup> Erâ ŋoŋe nânâ poroŋ me jacgoŋ hâcbuc me sâŋsâŋ bakicne i mi nânâ mâc juhapie zoaŋ i hâcne maickezejec, ŋoŋe

qanaŋ Anutu-ŋeŋic taha bacnenzepieŋ. Dâŋ izi hâcne ŋic gaŋne gaŋne fuarâ ŋeŋe juju eniŋmu sâc dâŋsanaŋ-ŋeŋic erâ forahuc juzejec.

<sup>15</sup> “Ŋoŋe sabata hombaŋ tarame nânâ nânâsu damaŋko taha baparao nânâ wiac râepie fenzoŋkeocmu, zoaŋ gie bapa irecnec fuŋkerâ jufekupie sabata hombaŋ 7 tarazejec. <sup>16</sup> I tarame zoaŋ gie bapa 50 eha gie qârionec padizi taha bâzi Wofuŋ râcnenzepieŋ. <sup>17</sup> Ehuc oto mocjahaonec teŋkonec jajahec irec sâc poroŋ uucne rorâ goreŋhec bâsifuckerâ poroŋ jajahec rikepie tarame ficŋeŋickonec taha baparao bafisipie eki fenzoŋkezejec. Poroŋ izi hâcne Wofuŋtao nânâ bâbâsu tinac ekac. <sup>18</sup> Erâ lama biaŋne 7, jara-ŋeŋic wâŋ ekicne, erâ bulimakao motecnezi ŋicne â lama ŋicne jajahec jaŋe poroŋhec tahare biŋe râec-jopanzepieŋ. Jaŋe hâcne Wofuŋtao qowi bâzire biŋe enzepieŋ. Ehame taha bâzi â waiŋzi taha bâzi i zuhuckerâ rikepie Wofuŋte maio âsu biaŋ fuazejec. <sup>19</sup> Ehame ŋoŋe sâqocne tâtâmire tahare biŋe noniŋ ŋicne moc, me wama bâzire biŋe lama ŋicne jajahec jara-jekic wâŋ ekicne, iŋucne râec-jopanzepieŋ. <sup>20</sup> Eme taha bapa eki nânâ bâbâsu poroŋ â lama mâmâc jaha Wofuŋte maio fenzoŋkezejec. Jaŋe Wofuŋte maio bâtiric-jopakicnezi taha bapare biŋe enzepieŋ. <sup>21</sup> Ŋoŋe zoaŋ ira hâcne ŋic ziŋuc jazanzepieŋ: Ŋoŋe tiri tutumaŋ ehuc gie moc mi banzepieŋ. Dâŋ izi hâcne ŋic gaŋne gaŋne fuarâ ŋeŋe juju eniŋmu sâc dâŋsanaŋ-ŋeŋic erâ forahuc juzejec.

<sup>22</sup> “Ŋoŋe padi wiac qa roro ehuc, gie qaŋeŋnao doma rakac i mi rofârenzepieŋ â kisceŋe doma

raocmu i wâc mi unucke-fârenzepien. None wiac i njic hapetac â jabane janere binje behepie fozejec. No Wofunj nonjere Anutu hâcne.”

<sup>23</sup> Wofunji Mose kecziñuc âzâcnewec: <sup>24</sup> “Go Israe njic ziñuc jazazemec: Mosa 7 irec zoañ gie bapa wânj ira hombanj moc nenzepien, erâ sawañ qaçac ehuc qeñ qanzepien, ehuc tirificko tumannenzepien. <sup>25</sup> None gie bapao gie bañgopien irec sâc hombanj ira mi banzepien, ehuc Wofunj taha bâzi rikecnenzepien.”

<sup>26</sup> Eme Wofunji Mose kecziñuc âzâcnewec: <sup>27</sup> “Mosa 7 irec zoañ gie bapa 10 izi kiwiric roro damenj ezejec. None ira hâcne tirificko tumannenzepien, erâ sowa juhuc Wofunj tiwâ bâzi rikecnenzepien. <sup>28</sup> None zoañ ira gie moc mi bajâmbânkenzepien, zoañ i kiwiric roro damenj hâcne. Taha bapa janje zoañ ira hâcne Wofunj Anutu-nenjic ere maio kiwiric-nenjic ronzepien. <sup>29</sup> Eme njic moc e zoañ ira sowa mi juocmu e njic âgofâc-ticne janere nondenjkonec bâsirowezo. <sup>30</sup> Me moc e zoañ ira gie baocmu e njic âgofâc-ticne janere nondenjkonec bâsirowepemu. <sup>31</sup> None zoañ ira gie moc mi bajâmbânkenzepien. Dâñ izi hâcne njic gañne gañne fuarâ neñe juju eniñmu sâc dânsananj-nenjic erâ forahuc juzejec. <sup>32</sup> Hombanj izi sabata hombanj fârine eha sowa junzepien. None sabata-nenjic zoañ gie bapa 9 ira hae owâeme funkerâ nehapie hae furerâ owâeme netaranzepien.”

<sup>33</sup> Eme Wofunji Mose kecziñuc âzâcnewec: <sup>34</sup> “Go Israe njic ziñuc jazazemec: Mosa 7 irec zoañ gie bapa 15 ira funkerâ Wofunjte rehac

boze hombaŋ ñehuc juhapie zoaŋ gie bapa 7 tarazejec. <sup>35</sup> Zoaŋ bâbâni ira tirificko tutumaŋ ehuc gie moc mi banzepieŋ. <sup>36</sup> Ñoŋe zoaŋne Wofuŋ tiwâ bâzi rikecnehuc juhapie zoaŋ 7 tarazejec. Zoaŋ gie bapa 8 ira ine tirificko mocwâc tumaŋnehuc Wofuŋ tiwâ bâzi rikecnenzepieŋ wâc; i hambâŋ fârine jaha, irec gie moc mi bajâmbâŋkenzepieŋ.

<sup>37</sup> “Ñoŋe hombaŋ biri zi mucjopakicne ira hâcne Wofuŋ taha bâzi kecziŋuc rikecneniŋte mupie tirificko tutumaŋ fuazejec. Qowi bâzi, taha bâzi fuŋne fuŋne erâ waiŋzi taha bâzi; i damaŋ bakicnao rikenzepieŋ. <sup>38</sup> Ñifec ine Wofuŋte sabata hombaŋ ñenzepieŋ wâc, ehuc mumupaŋ taha, me buafec taha me taha wiac gâcne i Wofuŋ râcnenzepieŋ jaha.

<sup>39</sup> “Ñoŋe gieonec nânâ wiac rofârepie tarame mosa 7 irec zoaŋ gie bapa 15 ira Wofuŋte hombaŋ sâko fuŋkerâ ñehuc juhapie zoaŋ 7 tarazejec. Zoaŋ bâbâni izi hombaŋ fârine eha gie moc mi banzepieŋ, â zoaŋ namba 8 izi wâc hombaŋ fârine jaha ezejec. <sup>40</sup> Zoaŋ wâŋ ira jâchândâŋ biane erâ hâmu rehacne â jâc rehac sâkohec irec tieŋne â kakikic jâc irec tieŋne jaha bazurâ fenzoŋkehuc Wofuŋ Anutu-ŋeŋic ere maio zeri ehuc juhapie zoaŋ gie bapa 7 tarazejec. <sup>41</sup> Ñoŋe hombaŋ i Wofuŋte manasuhuc jara sâc ñehuc juhapie zoaŋ 7 tarazejec. Ñoŋe hombaŋ i mosa 7 ira ñenzepieŋ. Dâŋ izi ñic gaŋne gaŋne fuarâ jufeniŋmu ñoŋere dânšanaŋ erâ forahuc juzejec. <sup>42</sup> Israe kikefuŋ sasawa ñoŋe damaŋ ira rehac bozeo ñehuc juhapie zoaŋ 7 tarazejec. <sup>43</sup> Iŋuc

epie Wofuņ noni hâcne Israe ņic ņoņe Aigita mâreņkonec jowac-ņopa waharâ rehac bozeo ņec juc eniņte muņarepo, qâricfâc-ņeņic jaņe iņuc mana taranzepiņ. No Wofuņ Anutu-ņeņic hâcne.”

<sup>44</sup> Eme Mose e Wofuņ hombaņ-ticnere dâņ i Israe ņic mutâcne-jarewec.

## 24

### *Lambere dâņ*

*(Wah 27:20–21)*

<sup>1</sup> Wofuņzi Mose kecziņuc âzâcnewec: <sup>2</sup> “Go Israe ņic jazatec oliwa hândâņne bâpiscickekie irec wokemaņ qaqaacne lambere biņe bafisipie zahuc zuzuhuc jaha tamaehuc fozejec. <sup>3</sup> Tutumaņ qoruc bozeo qorac tapa katapa ņekac irec ââketâc râpenao ira Aronzi zure emasaņ ezejec; eme hae owâeme Wofuņte maio qazeme zahuc ņeha hae furezejec. Dâņ izi gaņne gaņne dâņsanaņ-ņeņic erâ forahuc juzejec. <sup>4</sup> Lambe kikene golzi bakicne irec faio lambe ņekac i zure emasaņ eme Wofuņte maio zuzuhuc jaha zahuc ņezejec.

### *Poron furu mukicne*

<sup>5</sup> “Eme go poron uucne rorâ nânâ poron 12 rikezemec, nânâ poron mocjahare sâc ine poron uucne tase moc irec teņkonec jajahec rocjofazemec. <sup>6</sup> Ehuc tebo golzi bakicne irec faio biri jajahec râzemec, biri mocko nânâ poron 6 â mocko 6 jaha, iņuc râe razemec. <sup>7</sup> Erâ nânâ poron birickerâ wiac âsu bian ęuri sâkozi ruacnezemec. Eme poron âsu bianheç izi Wofuņte taha bâzi ezejec. <sup>8</sup> Eme Aron e sabata hombaņ sâc nânâ

poroŋ iŋuc hâcne birickehuc juzejec. Israe ɲic jaŋe iŋuc ehuc juniŋte mutâcne-jarekicne hâcne. <sup>9</sup> Nânâ poroŋ i wiac tirine jâmbân, irec Aronj â ɲokâfâcne jaŋere biŋe eha tirificko nânzepieŋ. Wofuŋ taha bâzi rikecneniŋmu sâc wiac izi hâcne taha bapare biŋe erâ forahuc juzejec.”

*Mumusoriŋ giere okacne*

<sup>10</sup> Ehame Israe ɲic jaŋere ɲondenko ɲic moc juwec e neŋgoc-ticne Israe ɲokac â mamac-ticne ine Aigita ɲic. E juku damenj mocko teuŋ-jeŋicko Israe ɲic moc ehac dâŋ mumuc epic. <sup>11</sup> Ehuc ɲic e Wofuŋte zâŋe musoriŋkehuc sâweckewec. Iŋuc eme Moserao jowa rambiŋ. Neŋgoc-ticnere zâŋe Selomiti, e Daŋ guruonec Dibirire otâ. <sup>12</sup> Eme Wofuŋtaonec dâŋ okacne mananiŋte woŋec kâpâcwâru bapie ɲewec.

<sup>13</sup> Eme Wofuŋzi Mose kecziŋuc âzâcnewec: <sup>14</sup> “Njic sâwecdâŋ muwec e mutec teuŋkonec jowa wahanzepieŋ, ehame sâwecdâŋ mume manambiŋ jaŋe mejenic qizecnao râehapie kikefuŋ sasawa jaŋe qânâzi hehâmonzepieŋ. <sup>15</sup> Erâ Israe ɲic ziŋuc jazazemec: Moc e Anutu musoriŋkeocmu e kiŋsâko hureocmu. <sup>16</sup> Moc e Wofuŋte zâŋe musoriŋkeocmu e qâhâmonzepieŋ; kikefuŋ sasawa jaŋe qânâzi hehâmonzepieŋ. Njic jabane mecne mâreŋ rune mecne Wofuŋte zâŋe musoriŋkepie qâhâmoc-jopanzepieŋ. <sup>17</sup> Moc e ɲic moc qâhâmome okacne qâhâmonzepieŋ wâc. <sup>18</sup> Â moc e qowi moc qâhâmoocmu e okacne râerâ juzejec. <sup>19</sup> Me ɲic moczi âgo-ticnere sahaç sipirickeocmu e ine âgo-ticne ecnewec sâc ijaha ecnezo. <sup>20</sup> Me kikene qazume okacne ere wâc



qazuzo, zâņene âke hâpome okacne ere wâc âke hâpozo, me micsiecnê hezume okacne ere wâc hezuzo. E âgo-ticne ba imac ecnewec sâc ijaha ecnezo. <sup>21</sup> Moc e qowi qâhâmoocmu e okacne râezejec â moc e ņic moc qâhâmoocmu e wâc qâhâmonzepieņ. <sup>22</sup> ņic jabane mecne mâreņ rune mecne jaņere sâcmutâc dâņ i mocjaha fozejec. Noni hâcne Wofuņ Anutu-ņeņic.” <sup>23</sup> Mose e Israe ņic dâņ iņuc hâcne jazawec, ehame jaņe sâwecdâņ muwec ņic e ecnepie teuņkonec wahame qânâzi hehâmombiņ. Iņuc ehuc Israe ņic jaņe Wofuņzi Mose dâņ mutâcneecnewec irec sâcko embiņ.

## 25

### *Sabata jara hombaņ sâko*

<sup>1</sup> Wofuņzi Sinai tikio Mose dâņ kecziņuc âzâcnewec: <sup>2</sup> “Go Israe ņic ziņuc jazazemec: ņoņe mâreņ ņarepemu ira fisirâ Wofuņte manasuhuc sabata hombaņ sâko moc ņenzepieņ. <sup>3</sup> ņoņe jara 6 gie-ņeņic he sarac ehuc waiņ-ņeņic bătâcne emasaņ enzepieņ, ehame fârine fuame ro nusec enzepieņ. <sup>4</sup> Jara namba 7 ira ine Wofuņte manasuhuc sabata hombaņ sâko ņenzepieņ. ņoņe jara ira hesarac gie mi bahuc waiņ-ņeņic wâc bătâcne emasaņ mi enzepieņ. <sup>5</sup> Wiac gâcne ro bătiric epie waha ņehuc âkezurâ fârine fuame mi ronzepieņ, me waiņ bătâcne emasaņ mi ekicnao fârine fuame wâc ro nusec mi enzepieņ. Jara ira mâreņzi mâc jâmbâņ fozejec. <sup>6</sup> Mâc wiac nânâne gâcne mâreņzi sabata hombaņ damaņ ira gume hesiwiņ ecneocmu izi ine ņaņacne â kiņaņ qaqařac-ņeņic furi bacjopakicne â kiņaņ ņic

ņokacfâc-ņeņic gâcne moneņ gie baņgopieņ, erâ ñic jabane ñonden-ņeņicko juenņgopieņ ñoņere nânâ ezejec. <sup>7</sup> Erâ hae qowi â kâte qowi mâreņ-ņeņicko juenņgopieņ jaņere wâc mâmâc ezejec.

### *Žeri bubiaņ jara hombaņ*

<sup>8</sup> “Eme ñoņe sabata jara hombaņ iņucne 7 guru 7 irec sâc wosekupie jara 49 ezejec. <sup>9</sup> Eme jara 50 irec mosa 7 â zoaņ gie bapa 10 ira ine qeņ lama zuņezi bakicne i qâsokapie fânân-ticne mâreņ sâc rafârezejec. Ine kiwiric roro dameņ ira hâcne qeņ qapie fânân-ticnezi mâreņ-ņeņic sâcke-fârezejec. <sup>10</sup> Ñoņe iņuc ehuc jara 50 i furu munzepieņ, ehuc hae mâreņ sâc irec ñic ñokac jaņe wama faio rambaņ juiņte jazanzepieņ. Ehuc ñoņe fic hae-ņeņic sâc me wiacfâc-ņeņic jaņerao risiehuc manapie žeri bubiaņ sâkohec ezejec. <sup>11</sup> Jara 50 izi hâcne žeri bubiaņ dameņ-ņeņic ezejec. Ñoņe dameņ ira hesarac gie me wiac bâtirikicnezi fârine fuaekac i qa roro mi enzepieņ, me waiņ bâtâcne emasaņ mi ekicnao fârine fuame wâc ro nusec mi enzepieņ. <sup>12</sup> Dameņ i bubiaņ dameņ, irec manapie tirine ezejec. Ehame mâreņzi gume hesiwiņ ecneocmu izi nânâ-ņeņic ezejec.

<sup>13</sup> “Ñoņe žeri bubiaņ dameņ ira ru sâc hae mâreņ-ņeņicko risie-fârenzepieņ. <sup>14</sup> Ñoņe ñic âgofâc-ņeņic jaņehac âbârâ gie bahuc nareņ gareņ sâcti qâtiric mi enzepieņ. <sup>15</sup> Žeri hombaņ juwicnao fuņkerâ jara wezimuc juwefumbaņ irec sâc manasuhuc ñic âgofâc-ņeņic jaņeraonec wiac furine banzepieņ, erâ jara wezimuc qa roro gie baniņmu irec manasuhuc monențe erâ

mâreŋ mutara-ŋarenzepieŋ. <sup>16</sup> Jara zoricne fome furine bafenzepieŋ, me bembene fome furine bawahanzepieŋ. Jara wezimuc irec maŋnao he sara nâc eniŋmu irec manasuhuc mâreŋ qikiŋne-ŋarenzepieŋ hâcne. <sup>17</sup> Ŋoŋe nareŋ gareŋ sâcti qâtiric mi ehuc Anutu-ŋeŋic araŋ bacnenzepieŋ. No hâcne Wofuŋ Anutu-ŋeŋic jukopac.

<sup>18</sup> “Ŋoŋe irec hâcne dâŋsanaŋ-nane bajuhuc mumutâc dâŋnane mana rerenŋ enzepieŋ. Inuc ehuc mâreŋko wama faio ŋec juc eniŋimu. <sup>19</sup> Ehame mâreŋ-ŋeŋicko nânâ mâriri sâko fuame nâ gapec ehuc wama faio juniŋmu. <sup>20</sup> Ŋoŋe ziŋuc muniŋmu mecne: ‘Nâŋe jara namba 7 ira he sarac â qa roro mi ehuc wemo wiac moc nâ bac enaŋmu?’ <sup>21</sup> Ŋoŋe inuc mupie ziŋuc ŋazapemu: No jara namba 6 ira jambuŋ-ŋopape mâreŋ-ŋeŋicko jara 3 irec sâc mâriri sâko fuarâ foocmu. <sup>22</sup> Irece jara 8 ira he sarac ehuc nânâ raŋqane nânzepieŋ, ehame jara 9 ira nânâ gie raŋqanaonec jaŋa nâhuc juhapie qâricnezi fuazejec. <sup>23</sup> Ŋoŋe mâreŋ-ŋeŋic i monenŋe erâ mi qikiŋne sanaŋkenzepieŋ, ŋoŋe nohec juhuc ŋic furune â jabane sawa engopienŋe mâreŋ i nore biŋe ekac hâcne. <sup>24</sup> Irece ŋoŋe mâreŋ ro rauc embiŋ i mâreŋ runezi mocwâc furine bazo mume mana uruecnenzepieŋ.

<sup>25</sup> “Âgo qomâge moczi hapetac juhuc mâreŋ-ticne gâcne monenŋe erâ qikiŋneocmuo fisirâ âgo-ticnezi mâreŋ qikiŋnewec i monenŋe râeme kitâcneme mocwâc bârisiecenejec. <sup>26</sup> Me ŋic ere tuctofa moc mi juhuc mâreŋ

bârisiecneocmuo, me e jahac juku monerj bâfuarâ mocwâc furine bazo muocmuo <sup>27</sup> ine njic moczi mâreŋ-ticne furine barâ jara wezimuc bajuwec i manasuhuc monerj tofane sawa bârisiecnezejec, ehuc mâreŋ-ticnao risiezejec. <sup>28</sup> Me mâreŋ i mocwâc e jahacne biŋe furine baocte monerj basarâ beheme njic furine bawec eki bajuhame zeri bubiaŋ jara hombaŋ sâko maickezejec. Eme hombaŋ dameŋ ira ine mâreŋ bajukac njic eki beheme runezi mocwâc fuarâ rauckezejec.

<sup>29</sup> “Njic moc e hae sâko qânâsac-ticnehec ira ficticne moc monerj erâ qikiŋneocmu mecne. Erâ jufehuc jara moc mi taraha fic izi mocwâc e jahacne biŋe eocte furine bazo murâ sâcne furine baocmu. E jara ŋondeŋ irec maŋnao iŋuc ezo mume manacnezo. <sup>30</sup> Me jara ŋondeŋ irec maŋnao runezi mocwâc furine bazo mi ecneme ine njic qanaŋ furine bawec e jahacne â qâricfâc-ticne jaŋere biŋe erâ ŋefehuc juzejec. Zeri bubiaŋ jara hombaŋko ine fic i behepie runere biŋe mocwâc mi ezejec. <sup>31</sup> Hae piticko fic sac tâmiric ŋerakac izi ine giegante sâc jaha ekac, irec runezi mocwâc furine bahuc ŋec juc eniŋmu, â zeri bubiaŋ jara hombaŋ sâko ira behepie mocwâc runere biŋe ezejec. <sup>32</sup> Lewiŋic jaŋe hae sâko-jeŋicko fic hae-jeŋic monerj erâ qikiŋneerjgopierj i zâhec dameŋ ira me ira mocwâc furine bahuc jaŋacne biŋe eocte mupie mana-jarezo. <sup>33</sup> Me Lewiŋic moc e hae iŋucnao ficticne monerj erâ qikiŋnewec i mocwâc e jahacne biŋe eocte furine mi baocmu ine zeri bubiaŋ jara hombaŋko behepie mocwâc

runere biñe ezejec; Lewiñic jañere hae sâkoo fic hae ñerakac i Lewiñic Israe ñic jañere ñondenko jurançopien jañere biñe hâcne. <sup>34</sup> Mâc gie-gañ-ñenic hae sâko orânkehuc forakac izi ine furi bapare biñe mi ekac, i Lewiñic jañere biñe erâ fosanañkeocte mukicne.

### *Babafic eere dân*

<sup>35</sup> “Âgo qomâ-ñenic moczi hapetac juhuc juju-ticnere dope wiac sâcne mi bâfuaocmuo ine ñoñe bafickenzepien, ehame ñic furune me jabane inuçne ñonden-ñenicko juzejec. <sup>36</sup> Ñoñe monen-ñenic tofane erao fokac i bafehuc mi jâoc ronzepien, aricne, ñoñe Anutu-ñenic aran bacnehuc juhapie âgo qomâ-ñeniczi ñoñehuc juzejec. <sup>37</sup> Ñoñe monen me nânâ râcneniñmu irec furi bafehuc bârisie-ñareocte zoçac mi ecnenzepien. <sup>38</sup> No Wofuñ Anutu-ñenic, noni hâcne Kanaan mâren ñarehuc Anutu-ñenic jupemurâ Aigita mârenkonec jowac-ñopa wefupo.

<sup>39</sup> “Âgo qomâ-ñenic moczi hapetac erâ juhuc ñoñere kiñan qaça erâ juzo mume mi man-acnenzepien. <sup>40</sup> E ñoñehuc ñic jabane jañere sâc erâ juhuc monen gie bazejec, e ñoñere kiñan qaça gie inuç bahuc juhame zeri bubian jara homban sâko maickezejec. <sup>41</sup> Homban ira ine naru motecfâc-ticne jañehuc behuc-ñoparâ wiacfâc-ticne jañerao risiezejec, ehuc mamac ñosafâc-ticne jañere mâren rauckezejec. <sup>42</sup> Jañe nore kiñanñicfâc, noni hâcne Aigita mârenkonec jowac-ñopa wefupo, jañe monençe erâ kiñan

qaqa mi bacjopazo. <sup>43</sup> Nõje Anutu-ñejic arañ bacnehuc ñic inucne ñicbomboñ ejarehuc mi bâzâic-jopanzejien. <sup>44</sup> Nõje kiñañ ñic ñokac rocjopazo murâ ine qâpuc ñic gurune gurune rârec rârec juranğopien jañeraonec furi bacjopanzejien. <sup>45</sup> Me ñic jabane â wiacfâc-ñejic ñonden-ñejicko juenğopien me mâren-ñejicko fuambiñ jañeraonec wâc furi bacjopazo murâ furi bacjopapie ñoñere biñe enzejien. <sup>46</sup> Erâ juku hâmoc damen-ñejic maickeme ñic inucne jañe ñokâfâc-ñejic jañerao râec-jopazo murâ râec-jopapie jañere kiñañ qaqa erâ junzejien. Israe ñic qomâfâc-ñejic jañe ine ñicbomboñ ejarehuc mi bâzâic-jopanzejien.

<sup>47</sup> “Ñic furune me jabane moc moneñ mafa sâkoheczi ñoñehc juhame qomâ-ñejic moczi hapetac erâ ñic jabane e jahacne me soctofa-ticne moc ere kiñañ qaqa erâ juocmuo <sup>48</sup> ine hahac qafâc-ticne jañeraonec moczi furi-ticne râezo murâ râeme rambañko juzejec. <sup>49</sup> Me wawa-ticne me nafe-ticne me soctofa-ticne moczi furine bazo murâ bahuc rambañko râeme juzejec. Me e jahac moneñ mafa sâkohec erâ sañac-ticnere furi râehuc rambañko juzejec. <sup>50</sup> E jahacne â ñic furi-ticne râewec jañe kiñañ gie fuñkekiecne jara irecnec fuñkerâ wose rakupire zeri bubiañ hombañko tarazejec. Ehame damen ñonden ira jara wezimuc foocmu, irec sâco furi râezejec. Kiñañ qaqa gie damen-ticnere manapire ine moneñ gie bapa ñic ere damen inucne ezejec. <sup>51</sup> Jara-ticne bocjaha foocmuo ine irec sâc manasuhuc furi rowec irecnec sañac-ticnere furi rorâ râezejec.

<sup>52</sup> Me jara-ticne afecne sawa fome zeri bubian hombañ sâko maickeocmuo ine jara irec mana-suhuc moneñ afecne sawa bârisiecneme tarame rambañko juzejec. <sup>53</sup> E ñic furine bawec erao jara sâc moneñ gie bapa ñic inucne juzejec, ehame bomboñ-ticnezi bâzâickeocte mi manac-nenzepieñ. <sup>54</sup> Me jañe furi-ticne bahuc rambañko mi râeniñmu ine zuhuckerâ juhame zeri bubian jara hombañ maickeme bomboñ-ticnezi beheme rambañko juzejec, e jahacne mecne â naru motecfâcne jañe mâmâc inuc ejarezejec. <sup>55</sup> Israe ñic jañe nore kiñañ qaqañc, noni hâcne Aigita mârenkonec jowac-jopa wefupo. No Wofuñ ñoñere Anutu jukopac hâcne.

## 26

### *Micrerenhec juhuc fârine bâfuazo* (Sâc 7:12-24; 28:1-14)

<sup>1</sup> “No Wofuñ Anutu-ñeñic jukopacte ñoñe nemu â qañ qâqâtâc me qânâ wâtuñ herâ mi âkendânzenzepieñ, erâ qânâ kita qârennehec dapecneniñte mâren-ñeñicko wâc mi bajunzepieñ. <sup>2</sup> Ñoñe sabata hombañ-nane ñehuc furufic-nane arañ bacnenzepieñ. No hâcne Wofuñ jukopac.

<sup>3</sup> “Ñoñe dânane bajuhuc sâcmutâc dânane mana reren eniñmuo <sup>4</sup> ine mupe hoe i dameñ-ticnao henareocmu, ehame mârenzi nânâ wiac gume hesiwiñ ecneocmu â jâc wiaczi wâc hândân fârihec efâreocmu. <sup>5</sup> Eme padi jacgoñ bâmârâñkehuc juhapie waiñ roro dameñ maickezejec, â waiñ rohuc juhapie

hesarac dameŋ maickezejec; iŋuc fuame nânâ wiac-ŋeŋic nâ gapec ehuc mâreŋ-ŋeŋicko juhâc qâhâmonzepieŋ. <sup>6</sup> Ehame noni wama bâfua-ŋarepe ŋoŋe waha fohapie moczi moc hâhâwic mi heŋarezejec. Erâ no qowi mimicne mâreŋ-ŋeŋickonec bârâriec-jopahape zikazi mi maic-ŋopazejec. <sup>7</sup> Eme ŋoŋe râsifâc-ŋeŋic jopa jâpec ejarepie jaŋe zikare micko fenzeŋieŋ. <sup>8</sup> Noŋeraonec ŋic 5 jaŋe ŋic 100 jâpec-jopahapie 100 jaŋe teŋ tauseŋ jâpec-jopanzeŋieŋ; ehame râsifâc-ŋeŋic jaŋe zâŋe fai-ŋeŋicko zikare micko fenimû. <sup>9</sup> Eme no ehâmo-ŋarehuc sâoc-ŋopahape sawe mâririackenzeŋieŋ, ehame ŋoŋehac zâzâfic epo i basanaŋkepemu. <sup>10</sup> Noŋe nânâ rowaŋ raŋqanaonec nâhuc junzeŋieŋ, ehame nânâ qârîcnere dameŋ maickeme raŋqane bârâriepie qârîcnere ŋeŋe fuazejec. <sup>11</sup> Eme no ŋondeŋ-ŋeŋicko ŋeŋe juju epemu, ehame maŋ qâqâtâc-nanezi mi suŋgiŋ-ŋopazejec. <sup>12</sup> Ehame no ŋondeŋ-ŋeŋicko rac warec ehuc Anutu-ŋeŋic juhape ŋoŋe ŋicfâc-nane erâ junzeŋieŋ. <sup>13</sup> No Wofuŋ Anutu-ŋeŋic jukopac, noni hâcne Aigita ŋic jaŋere kiŋaŋ qaqa zuhuckerâ junzipiŋte mâreŋ-ŋeŋickonec jowac-ŋopa wefupo; ŋoŋe rambaŋ juniŋte upe-ŋeŋicko kionte babasanaŋ bazupo.

### *Qaqatarare okacne*

*(Sâc 28:15-68)*

<sup>14</sup> “Me ŋoŋe dâŋnane manahuc sâcmutâc dâŋ sasawa zi mana rereŋ mi enimuo <sup>15</sup> me dâŋsanaŋ-nane qâsuahuc mumutâc dâŋnane qaisockerâ mumutâc dâŋ sasawa mana rereŋ



mi ehuc zâzâfic-nane hetâcneniñmuo <sup>16</sup> ine wiac ziñuc eñarepemu: No mupe wiac hâhâwicnezi ututuñ fua-ñareocmu, ehame hucsanañ â huc zocnehec fua-ñareme zâñe zozora â sahad wawaha eniñmu. Inuc ehuc nânâ wiac he sarac eipiehapie fârine fuame râsifâc-ñeñic jañe nâ bac eniñmu. <sup>17</sup> No râsi eñarehape râsifâc-ñeñic jañe jâpec-ñopanzeñeñ, â qaisoc-ñopaençopieñ jañe bomboñ eñarenzeñeñ, ehame moczi moc ñopa jâpec mi eñareha wisenzeñeñ. <sup>18</sup> Inuc fua-ñareme sifu dânane mana reren mi eniñmu ine sâqocne-ñeñicte erâ bâtiñ-ñopape arec 7 ezejec. <sup>19</sup> Ehame no pepec penaron-ñeñic bawahahuc sawa qânikiñ mupe aeñ inucne erâ sanañkerâ fozejec â mâreñ-ñeñic i aeñ bâbâron inucne erâ fozejec. <sup>20</sup> Inuc fuame ñoñe tâpiri-ñeñic mâc qâmienzeñeñ, erâ mâreñ-ñeñiczi nânâ wiac gume hesiwiñ mi ezejec â gieu jâc wiac doma rakac izi hândân fârihec mi ezejec.

<sup>21</sup> “Ñoñe dânane qatarahuc micnane mi renkeniñmuo ine mupe wiac hâhâwicne mocwâc fua-ñareocmu, sâqocne-ñeñicte erâ mupe wiac hâhâwicne arec 7 fua-ñarezejec. <sup>22</sup> Erâ no qowi mimicne ejarepe ñonden-ñeñicko luarâ naru motecfâc-ñeñic kisuc qâsuc-jopahuc bulimakaofâc-ñeñic wâc sipiric-jopapie zare-ñeñic wahazejec; inuc eñarepie hae mâreñ-ñeñic ninin siareren luarâ fozejec.

<sup>23</sup> “Bâbâtiñ inuc fua-ñareme sifu norao risiehuc dânane mi mananiñmuo <sup>24</sup> ine noni inuc jaha dânñeñic mi manahuc sâqocne-ñeñicte erâ

bâtiņ-ņopape arec 7 eocmu. <sup>25</sup> Erâ mupe zikazi fai-ņejicko ferâ zâzâfic hetâcnembiņ irec okacne bazu-ņarezejec, ehame ñoņe hae sâko-ņejicko tumaņnepie mupe huc hâmoc fua-ņareme râsi jaņere meo fenzepiņ. <sup>26</sup> Eme noni nânâ mâriri-ņejic baafeckepe ñokac 10 jaņe kuzi mocjahao sawa nânâ rikerâ sigelio râehuc kâdoc qaņarepie nârâ hesâsâc-ņopazejec.

<sup>27</sup> “Wiac iņuc fua-ņarehame sifu micnane mi reņkehuc dâņnane qataraniņmuo <sup>28</sup> ine noni iņuc jaha dâņņejic mi mamana fotariehuc sâqocne-ņejicte erâ bâtiņ-ņopape arec 7 eocmu. <sup>29</sup> Ehame qowire okacne naru motecfâo-ņejic nâcjopaniņmu. <sup>30</sup> No nemuqâņ fic hae-ņejic â hosâc âsu ririkere alata wiac-ņejic i hetâtierâ qâņqâņfâc-ņejic nemuqâņ-ņejic zaņkekicne irec faio beheç-jopape foniņmu, eme honec-ņoparâ mamakâcnuocmu. <sup>31</sup> Ehame no hae sâkofâc-ņejic ima bacjopahuc nemufic-ņejic hetâtierâ wiac âsu biaņ-ņejicte takicnuocmu. <sup>32</sup> Eme hae mâreņ-ņejic imackepe râsifâc-ņejic jaņe ira ñec juc eniņte fisi honerâ bipic tatara ejareocmu. <sup>33</sup> No qâpuc gurune gurune jaņere ñondenko bâtâtiec-ņopahuc zikazi ñopa jâpec eņarepe mâreņ-ņejic tuhu fuaha hae sâkofâc-ņejic jaņe niniņ siarererē fuarâ fonzepiņ.

<sup>34</sup> “Ñoņe râsifâc-ņejic jaņere mâreņko juhapie mâreņ-ņejiczi niniņ siarererē fuarâ foha sabata jara hombaņ-ticne maickeocmu, damerē ira hâcne mâreņ-ņejiczi qoroc herâ fozejec. <sup>35</sup> Mâreņ e niniņ siarererē fuarâ foocmu iņuc jaha qoroc herâ forahuc juzejec hâcne. Ñoņe mâreņ

ira juhuc sabata jara hombaŋ mi ɲembiŋte iɲuc mi fojujec. <sup>36</sup> Zanzaɲnefâc-ɲeɲic râsifâc-ɲeɲic jaɲere mâreŋko juniŋmu jaɲe ejarepe manjenic gâckeme jâcrehac hâmocne mâɲâɲzi ficneme fânâɲkeme hâwic-ɲopame wiseniŋmu, ine ɲic moczi zikare hâhâwicte wiseekac irec sâc wiseniŋmu hâcne, ehuc moczi moc jopa jâpec mi ejareha sifu waha jopaocmu. <sup>37</sup> Moczi moc jopa jâpec mi ejareha, zikazi jâpec-nâpokac muhuc wiserâ fâfâc-jopame waha jopaocmu. Ehame râsifâc-ɲeɲic sananke-jareniŋte tâpiri basaniŋmu. <sup>38</sup> Ehuc râsifâc-ɲeɲic jaɲere ɲondenko sipirickepie mâreɲ-jeɲiczi qâcɲopaocmu. <sup>39</sup> Ehame zanzaɲnefâc-ɲeɲic jaɲe jaɲacne kiŋte me mamac ɲosafâc-jeɲic jaɲere kiŋte erâ râsifâc-ɲeɲic jaɲere mâreŋko hâmo miziec eniŋmu.

*Jaɲe manjenic bârisiepie Wofunzi mocwâc rocjopaocmu*

<sup>40</sup> “Jaɲe iɲuc ehuc jaɲe jaɲacne mecne â mamac ɲosafâc-jeɲic jaɲe mecne zâzâfic hetâcnerâ râsi enarehuc kiɲ bahac bâfuambiɲ i mufuaniŋmu. <sup>41</sup> Erâ dâɲnane qâsuambiŋte no iɲuc jaha dâɲjenic qâsuahuc râsifâc-jeɲic jaɲere mâreŋko râec-jopapo i zâɲitaniŋmu wâc. Jaɲe iɲuc epie manrâɲgeɲ-jeɲiczi urueha okacne fua-jareme manapie sâckeocmuo <sup>42</sup> ine noni Jakobo â Isaka erâ Abraham jaɲehac zâzâfic epo irec manasuhuc mâreɲ-jeɲicte wâc mi nikecnuocmu. <sup>43</sup> Jaɲe ine mâreɲ-jeɲic beherâ rapie mâreɲzi ɲic tâmiric foha sabata hombaŋ-ticne maickezejec. Jaɲe ine mumutâc dâɲnane qâsuahuc dâɲsanaɲ-nane

qatarambințe kinjenicte okacne fisi-jareocmu. <sup>44</sup> Eme răsifâc-jenic jaņere mâreņko juhapie no sifu wiac irec erâ qâmâtâc mi ejarepemu, erâ bâsuec-jopahuc mi sipiric-jopapemu; erâ jaņehec zâzâfic ekicne i mi hetâcnepemu, no Wofuņ Anutu-jenic hâcne. <sup>45</sup> No jaņere erâ mamac ņosafâc-jenic jaņehec zâzâfic epo irec manasupemu. No Anutu-jenic jupemurâ mamacfâc-jenic qâpuc gurune gurune jaņere maio Aigita mâreņkonec jowac-jopa wefupo. No Wofuņ jukopac hâcne.”

<sup>46</sup> Wofuņ e dâņsanaņ â mumutâc erâ sâcmutâc dâņ i hâcne Sinai tikio e jahacne â Israe ņic jaņere manasuhuc Mose râcnewec.

## 27

### *Wofuņte biņe wiac rârâe irec sâcmutâc*

<sup>1</sup> Wofuņzi Mose kecziņuc âzâcnewec: <sup>2</sup> “Go Israe ņic ziņuc jazazemec: ņic moc e Wofuņte maio mumupaņ-ticnere fârine e jahacne me ņic mocte okacne moneņ râezo murâ ine irec sâcmutâc kecziņuc forakac irec sâcko râezejec: <sup>3</sup> ņic jara-ticne 20-onec 60-o tarakac jaņere erâ siliwa moneņ 50 râezo, ine furufic moneņte hawari mukicne irec sâc. <sup>4</sup> Me mumupaņ izi ņokac mocte manasuhuc mukicnao ine siliwa moneņ 30 râezo. <sup>5</sup> Me ņic ņokac jara-jenic 5-konec 20-o taraocmuo ine ņicte okacne siliwa moneņ 20 â ņokacte okacne moneņ 10 râezo. <sup>6</sup> Me ņic ņokac jara dameņ-jenic mosa wâņkonec raku jara 5-ko fisiocmuo ine ņicte okacne siliwa moneņ 5 â ņokacte okacne moneņ 3 râezo. <sup>7</sup> Me ņic ņokac

jara dameŋ-jeŋic 60 me jara 60 jâururâ feocmuo ine ŋicte okacne siliwa moneŋ 15 â ŋokacte okacne moneŋ 10 râezo. <sup>8</sup> Me ŋic e hapetac juhuc moneŋ mukicne i râezo eipieocmuo ine taha baparao jowa rapie eki ŋic fuŋne-ticne mana tarazejec. Ehuc ŋic e moneŋ wezimuc sâcne râeocmu i mana tarahuc irec sâc râeocne muc-nezejec.

<sup>9</sup> “Me qowi Wofuŋ taha rikecneengopieŋ qowi iŋucne moc Wofuŋte biŋe qambiŋko ine manapie tirine ezejec. <sup>10</sup> Ŋic moc e qowi iŋucne mocwâc bârârierâ âkehoc-ticne moc rârâe i mi ezejec, e qowi biaŋnere okacne sâqocne mi râezejec â qowi sâqocnere okacne biaŋne wâc mi râezejec. Me sifu âkehoc-ticne râezo mume ine qowi mârâc râekicne â âkehoc-ticne zâhec râekicne jahe mâmâc jaha Wofuŋte biŋe ezepirec. <sup>11</sup> Me ŋic moczi qowi wâwânâŋhec Wofuŋ mi rikecneengopieŋ iŋucne moc râezo murâ ine qanaŋ taha baparao barazejec. <sup>12</sup> Eme taha bapa eki, qowi biaŋne me sâqocne irec dâŋ mutarame manapie sâckezejec. <sup>13</sup> Me ŋic e qowire okacne moneŋ râezo murâ ine furine mukicne irec sâc erâ 5-konec wâŋ zuhuckerâ râezejec.

<sup>14</sup> “Me ŋic moc e ficticne Wofuŋte biŋe qaocmuo ine taha bapazi fic i biaŋne me sâqocne irec fuŋne hone manac ehuc furine muzejec, eme dâŋ muocmu irec manapie sâckezejec. <sup>15</sup> Me ŋic e ficticne Wofuŋte biŋe qawec i mocwâc e jahacne biŋe eocte manasurâ ine furine mukicne irec sâc erâ 5-konec wâŋ zuhuckerâ râeme e jahacne biŋe ezejec.

16 “N̄ic moc e mamac ŋosafâc-ticne jaŋere merâfâc mâreŋ bajukac irec dâkâne moc Wofuŋte biŋe qaocmuo ine mâreŋ ira wiac ukicne pake wezimuc râeniŋmu izi furire sâc mufuazejec, padi ukicne pake wâŋ irec furine siliwa moneŋ 50 ezejec. 17 N̄ic e mâreŋ-ticne sabata jara hombaŋko Wofuŋte biŋe qaocmuo ine furine mukicne i furu jaha rozejec. 18 Me ŋic e mâreŋ-ticne sabata jara hombaŋ faicnao sawa Wofuŋte biŋe qaocmuo ine irecnec fuŋkerâ wose rakupie sabata jara hombaŋ moc maickeocmu dameŋ ŋonden ira jara wezimuc foomu irec sâc manahuc furine bawahanzepeŋ. 19 Me mâreŋ-ticne Wofuŋte biŋe qaocmu i mocwâc furine bazo murâ ine mâreŋte furi mukicne irec sâc erâ 5-konec wâŋ zuhuckerâ râeme e jahacne biŋe fozejec. 20 Me mocwâc furine bazo mi ecneocmuo me monen̄te erâ ŋic moc mutaracneocmuo ine furi bapare sâc mocwâc mi eocmu. 21 Aricne, mâreŋ i sabata jara hombaŋko behepie Wofuŋte biŋe tirine eha taha bapazi rauckezejec. 22 Me ŋic moc e merâfâc mâreŋ mâcne, mâreŋ furine moc furine bakicne i Wofuŋte biŋe qaocmuo 23 ine taha bapazi mâreŋ Wofuŋte biŋe qakicne dameŋ ira fuŋkerâ wose rakume sabata jara hombaŋ maickeha jara wezimuc eocmu irec sâc zoaŋ ijaha furine râeme Wofuŋte taha tirine ezejec. 24 Sabata jara hombaŋko ira ine mâreŋ i mocwâc mârâc rune ere biŋe ezejec, mamac ŋosafâc-ticne jaŋere meonec rorâ bajuwec erao hâcne risiezejec. 25 Furine sasawa ine furufic monen̄te hawari fokac irec sâc efârezejec. Gera moneŋ 20 izi siliwa moneŋ wâŋ

irec sâc ezejec.

<sup>26</sup> “Qowi mârâc fufua i biac Wofunțe bițe ekacte Țiczi Wofunțe bițe mocwâc mi qanzepien; bulimakao me lama, qowi iȚucne i Wofunțe bițe mukicne hâcne. <sup>27</sup> Me qowi iȚucnezi saħac fâsâc mi fuawecko ine runezi furine mukicne irec sâc erâ 5-konec wâȚ zuhuckerâ râeme e jahacne bițe ezejec. Me eki furine mi baocmuo ine Țic moczi furine mukicne irec sâc sawa râeme ere ezejec.

<sup>28</sup> “Țic moc e Țic me qowi me hae mâreȚ wiac sipirickeocte mukicne i Wofunțe bițe qame Țic moczi irecnec furine mi bazejec. Wiac sisipiricte bițe mukicne sasawa i Wofunzi honeme tirine jâmbâȚ ekac. <sup>29</sup> Ehame Țic moc sisipiricte bițe râembiȚko moczi furine moc mi bazejec, e hâmocte bițe ekac hâcne.

<sup>30</sup> “MâreȚkonec wiac sasawa, wiac ukicne me jâchândân, irecnec hâcne teȚkonec wâȚ i Wofunțe bițe, eki honeme tirine ekac. <sup>31</sup> Wiac teȚkonec wâȚ râezo mukicne irec okacne Țic moczi moneȚ râezo murâ ine furine mukicne irec sâc erâ 5-konec wâȚ zuhuckerâ râezejec. <sup>32</sup> Erâ lama bulimakao â qowi sasawa soȚaȚ-jenic jâuruhuc rahapie gunu-ticnezi wose qârâwiȚ ejarehuc teȚkonec wâȚ bâtirieocmu i Wofunzi honeme tirine eocmu. <sup>33</sup> Ehame Țic moczi, qowi i biaȚne me sâqocne, iȚuc mu wioc ehuc okacne mi râezejec. Me sifu râeocmuo ine qowi qanaȚ bâwosâekicne i mecne erâ okacne râekicne i mecne mâmâc jaha râec-jofame tirine ezepirec, jahe furi bapare sâc mi ekopirec.”

<sup>34</sup> Sâcmutâc dân i hâcne Wofuŋzi Israe ɲic jaɲere biɲe Sinai tikio Mose râcnewec.



lxxxix

**Kâte Bible**  
**The Holy Bible in the Kâte language of Papua New Guinea**  
**Buk Baibel long tokples Kate long Niugini**

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

---

PDF generated using Haiola and XeLaTeX on 21 Apr 2023 from source files dated 9 Feb 2023

76869875-8293-5126-8b67-c576c145ac3c